

შპს „აბი ასეტ მენეჯმენტი“
საბროკერო მომსახურების წესები და პირობები

პრეამბულა:

ვინაიდან „კლიენტი“ გამოთქვამს სურვილს წინამდებარე ხელშეკრულების მუხლების და საქართველოს კანონმდებლობის მიხედვით, კომპანიის დახმარებით, შეისყიდოს და გაყიდოს ემიტენტის ფასიანი ქაღალდები, რომელთა იდენტიფიცირებასაც კლიენტი დროდადრო ახდენს კომპანიისათვის, აგრეთვე, ისარგებლოს კომპანიის მიერ ხელშეკრულებით გათვალისწინებული სხვა მომსახურებით.

ვინაიდან, მხარეების მიერ მომსახურების სპეციფიკა განისაზღვრება ყოველი კონკრეტული ოპერაციისათვის კლიენტის სურვილიდან, ოპერაციის არსებითი პირობებიდან და კლიენტის დავალებებიდან გამომდინარე, ზემოაღნიშნულის საფუძველზე, მხარეები თანხმდებიან შემდეგ წესებზე და პირობებზე:

1. განმარტებები:

წინამდებარე პირობებში (შემდგომში “ხელშეკრულება”) ქვემოთ მოყვანილი ტერმინები გამოიყენება შემდეგი მნიშვნელობებით:

1.1. „მიღებული საბაზრო პრაქტიკა“- ხელშეკრულებაში გათვალისწინებული საჯარიმო დებულებებთან მიმართებით, ნიშნავს საპროცენტო განაკვეთს, რომელიც ამჟამად შეადგენს კონკრეტული ოპერაციის მთლიანი ღირებულების ნულ მთელ ერთ მეათედს (0.1%) ყოველ გადაცილებულ დღეზე ან ნებისმიერ სხვა საპროცენტო განაკვეთს, რომელიც იქნება გამოყენებული “კომპანიის” მიერ ამ ხელშეკრულების შესაბამისად ონიცირებულ ოპერაციებში მესამე პირებთან, დამატებული ოპერაციის მთლიანი ღირებულების ნულ მთელი ერთი მეათედი (0.1%) ყოველ გადაცილებულ დღეზე.

1.2. „აქტიური ანგარიში“- არის ანგარიში, რომელზეც ხდება ერთი თვის განმავლობაში, მინიმუმ ერთი ან მეტი ოპერაციის წარმოება “კომპანიის” მიერ ნებისმიერი გადასახდელის დარიცხვის ჩათვლით, წინამდებარე ხელშეკრულების მიხედვით.

1.3. “ანგარიშის ნაშთი”- არის “კლიენტის” ანგარიშზე არსებული “აქტივების” ერთობლივი ღირებულება. “ანგარიშის ნაშთის” დაანგარიშებისას, ფასიანი ქაღალდების ღირებულება გამოითვლება “შეფასების მეთოდის” მიხედვით.

1.4. „აფილირებული პირი“- არის პირი, რომელსაც აქვს მეორე პირთან მიმართებით ჩამოთვლილთაგან ერთ-ერთი ურთიერთობა მაინც:

- პირები არიან ერთი და იგივე იურიდიული პირის დამფუძნებლები (აქციონერები), იმ პირობით, რომ მათი კომბინირებული წილი მინიმუმ 20% -ს შეადგენს; და / ან
- პირს აქვს პირდაპირი ან არაპირდაპირი წილები/აქტივები არანაკლებ 20% -ისა, სხვა პირის წილებში / აქტივებში; და / ან
- ფიზიკური პირი თანამდებობრივად ექვემდებარება სხვა ფიზიკურ პირს;
- ერთი პირი პირდაპირ ან არაპირდაპირ აკონტროლებს მეორე პირს;
- პირებს პირდაპირ ან არაპირდაპირ აკონტროლებს მესამე პირი;
- პირები ერთად, პირდაპირ ან არაპირდაპირ აკონტროლებენ მესამე პირს;
- პირები ნათესავები არიან;
- პირები ამხანაგობის წევრები არიან.

ამ დეფინიციის მიზნებისთვის კონტროლი გულისხმობს: სამეთვალყურეო საბჭოს წევრობას, დირექტორობას ან ამ თანამდებობებზე პირების დანიშვნის უფლებას; ან/ და ხმის უფლების მქონე წილის ან აქციების 20 პროცენტის ფლობას.

1.5. „კომპანია/ბროკერი“- წარმოადგენს შპს „აბი ასეტ მენეჯმენტი“-ს რომელიც 22.11.2007 წელს, საქართველოს კანონმდებლობის შესაბამისად დაფუძნდა და საქართველოს ფინანსური ზედამხედველობის სასამსახურის N820 გადაწყვეტილებით მიღებული აქვს საბროკერო საქმიანობის განხორციელების ლიცენზია და მინიჭებული აქვს საბროკერო ლიცენზიის ნომერი № **205207970**

1.6. „განაცხადი“- არის „კლიენტის“ მიერ შპს „აბი ასეტ მენეჯმენტი“-ში ანგარიშის გახსნისა და შემდგომი ფლობის მიზნით ხელმოწერილი განაცხადი.

1.7. „აქტივები“- არის „კლიენტის“ ანგარიშზე არსებული ფულადი სახსრები და ფასიანი ქაღალდები.

1.8. “კლიენტის უფლებამოსილი პირი (პირები)” ან “კომპანიის უფლებამოსილი პირი (პირები)” - ნიშნავს: (i) ნებისმიერი მხარის ნებისმიერ წარმომადგენელს, თანამშრომელს, მენეჯერს ან შუამავალს, რომელიც ერთი მხარის მეორე მხარისათვის მიწოდებული წერილობითი შეტყობინების საფუძველზე განისაზღვრა უფლებამოსილ პირად და მოქმედებს პირველი მხარის სახელით ნებისმიერი საქმიანობის, კენჭისყრის ან წინამდებარე ხელშეკრულებით გათვალისწინებული სხვა ვალდებულებების განხორციელების მიზნით; (ii) ნებისმიერი სხვა პირი, რომელსაც ერთი მხარიდან აქვს შესაბამისი „მინდობილობა“/ „რწმუნებულება“ იმგვარი ფორმით, როგორც მისაღებია მეორე მხარისათვის.

1.9. „სამუშაო დღე“- ნიშნავს დღეს (გარდა შაბათისა და კვირისა), როცა კომერციული ბანკები და საფონდო ბირჟები ღიაა და აწარმოებენ საქმიანობას ნიუ-იორკში (აშშ), ლონდონში, (გაერთიანებული სამეფო), თბილისში (საქართველო).

1.10. „კლიენტი“- არის ის შესაბამისი ფიზიკური ან იურიდიული პირი ან ნებისმიერი სხვა წარმონაქმნი, რომელიც წარმოადგენს შპს „აბი ასეტ მენეჯმენტის“ კლიენტს და ხელს აწერს „განაცხადს“. კლიენტი ნიშნავს კლიენტს და არავის სხვას, თუ ეს სხვაგვარად არ არის შეთანხმებული მხარეების მიერ. კომპანია უფლებამოსილია ჩათვალოს კლიენტი პრინციპალად.

1.11. „კლიენტის დეშორდი“- ნიშნავს ონლაინ სერვისს, რომელსაც “კომპანია” ამ ხელშეკრულების პირობების მიხედვით სთავაზობს “კლიენტს” შესაბამის ვებ-გვერდზე, რომელიც ხელმისაწვდომია “კლიენტის დეშორდის ანგარიშს” მეშვეობით.

1.12. „კლიენტის დეშორდის ანგარიში“- ნიშნავს “კომპანიის” მიერ “კლიენტისთვის” დაგენერირებულ და მიწოდებულ კლიენტის დეშორდის ანგარიშს. თუ “კლიენტის დეშორდის ანგარიში” დაგენერირებულია და მიწოდებულია “კლიენტისთვის” ამ დეფინიციის ძალაში შესვლამდე, ასეთი ანგარიში ჩაითვლება “კლიენტის დეშორდის ანგარიშად” ამ ხელშეკრულების მიზნებისთვის, იმ თარიღიდან, რადესაც წინამდებარე დეფინიცია გახდება მოქმედი. ყოველგვარი ეჭვის გამოსარიცხად, “კლიენტის დეშორდის ანგარიშის” დაგენერირება და “კლიენტისთვის” მიწოდება/ არმიწოდება წარმოადგენს “კომპანიის” პირად, სრულ და ულიმიტო დისკრეციას და “კომპანია” არ არის ვალდებული “კლიენტის” მოთხოვნის მიუხედავად მოახდინოს ასეთი ანგარიშის დაგენერირება და “კლიენტისთვის” მიწოდება.

1.13. „სამართლიანი ღირებულება“- არის ფასიანი ქაღალდების ღირებულების დადგენის მეთოდი. წინამდებარე ხელშეკრულების მიზნებისათვის, სამართლიანი ღირებულება უნდა ასახავდეს “კომპანიის” მიერ განხორციელებულ კომერციულად გონივრულ შეფასებას და იმ ფასს, რა ფასადაც, ამ ხელშეკრულების თანახმად, “კომპანია” გადაწყვეტს ფასიანი ქაღალდების ყიდვას ან გაყიდვას. ზემოაღნიშნული ფასის დადგენა გაყიდვის ოპერაციის შემთხვევაში ხდება მყიდველის ფასით, ხოლო ყიდვის ოპერაციის შემთხვევაში - გამყიდველის ფასით. იმ შემთხვევაში, თუ ხსენებული არცერთი მეთოდი არ არის ხელმისაწვდომი, სამართლიანი ღირებულება განისაზღვრება “კომპანიის” გონივრული და არგუმენტირებული შეფასებით.

1.14. „გასამრჯელო“ - როგორც ეს განსაზღვრულია წინამდებარე ხელშეკრულების დანართ 1-ში - „მომსახურების სახეობათა ტარიფები“;

1.15. „ფულადი სახსრები“- ნიშნავს “კლიენტის” ფულს, რომელიც: კლიენტის მიერ, ხელშეკრულებით გათვალისწინებული დებულებებით, ფასიანი ქაღალდების შესყიდვის მიზნით, გადარიცხება “კომპანიის” ბროკერ-კლიენტის საბანკო ანგარიშზე “კლიენტის” დავალებების შესაბამისად, “კომპანიის” მიერ მესამე პირთან დაკავშირებული ნებისმიერი ოპერაციის განხორციელებამდე; “კომპანიამ” მიიღო მესამე პირისაგან ფასიანი ქაღალდების გაყიდვის ოპერაციის შედეგად, რაც განხორციელა “კომპანიამ”, “კლიენტის” დავალებების შესაბამისად.

ამგვარი ფორმით, “კომპანიის” მიერ გადარიცხული ან/და მიღებული ფულადი სახსრების ანგარიშზე შეტანა და შენახვა ხორციელდება “კომპანიის” მიერ “კომპანიის” საკუთარი აქტივებისგან განცალკევებით. “კომპანია” ვალდებულია აღნიშნული სახსრები მიუჭირთოს შესაბამის ამონაწერებში. “კლიენტს” შეუძლია გადარიცხოს დამატებითი სახსრები ანგარიშზე, ან მტხსნას თანხები ანგარიშიდან “კომპანიისათვის” წინასწარ მიცემული დავალებების შესაბამისად იმპირობით, რომ “კლიენტის” დავალების მიხედვით სახსრების ანგარიშიდან მოხსნა არ არღვევს მხარეების მიერ მანამდე აღებულ ვალდებულებებსა და “კომპანიის” მიერ მესამე პირთან განსახორციელებელ ოპერაციებს. “კლიენტი” ვალდებულია გადარიცხოს თანხები ბროკერ-კლიენტის “კომპანიის” სპეციალურ ანგარიშზე ან ანგარიშებზე, კომპანიის მიერ დროდადრო კლიენტისათვის მიწოდებული ინფორმაციის შესაბამისად. “კლიენტი” უფლებამოსილებას ანიჭებს “კომპანიას”; საკუთარი გადაწყვეტილებით, გამოიყენოს აღნიშნული ფულადი სახსრები წინამდებარე “ხელშეკრულების” და “კლიენტის” დავალებების განხორციელების მიზნით.

1.16. „დაფინანსების ხარჯები“- არის ხარჯი “კომპანიის” იმ ფინანსურ სახსრებზე, რომელიც შესაძლოა “კომპანიამ” გამოიყენოს კლიენტის დავალებების შესაბამისად განხორციელებული ოპერაციების თანხის ან/და ოპერაციებთან დაკავშირებული ხარჯების დასაფინანსებლად. “კომპანიამ” დაფინანსების ხარჯად შესაძლოა დაადგინოს არანაკლებ საქართველოს ეროვნული ბანკის მიერ დადგენილი სესხებზე საბაზრო საპროცენტო განაკვეთის (“საბაზრო საპროცენტო განაკვეთი”) შესაბამისი პროცენტის ოდენობით, ან/და კომპანიის ხარჯების შესაბამისად თუ ეს ხარჯები აღემატება საბაზრო საპროცენტო განაკვეთს, თუ სხვაგვარად არ იქნა წერილობით შეთანხმებული მხარეებს შორის. “კომპანიას” უფლება აქვს შეცვალოს დაფინანსების ხარჯის საპროცენტო განაკვეთის დადგენის წესი კანონმდებლობის ან/და საბაზრო კონიუნქტურის გათვალისწინებით იმ პირობით, რომ ასეთი ცვლილება იქნება გონივრული და ამის შესახებ “კლიენტს” მიეწოდება ინფორმაცია განხორციელებამდე, აბი (10) სამუშაო დღით ადრე. დაფინანსების ხარჯთან დაკავშირებული განაკვეთი ან/ და განაკვეთის დადგენის წესის ნებისმიერი ცვლილება ჩაითვლება დადასტურებულად “კლიენტის” მიერ თუ “კომპანია” არ მიიღებს საწინააღმდეგო სახის შეტყობინებას “კლიენტისაგან” ზემოაღნიშნული ვადის პერიოდში.

1.17. „დავალება“- “დავალება”/“დავალებები” ნიშნავს “კლიენტის” ნებისმიერი უფლებამოსილი პირის მხრიდან “კომპანიისათვის” გაცემულ წერილობით (მათ შორის ელექტრონული სახით) მითითებას იმ პირობით, რომ:

- ა. „კომპანიის“ მომსახურების შემთხვევაში, დავალება უნდა მოიცავდეს არსებით პირობებს და ასევე, ნებისმიერ შესაბამის დამატებით პირობებს, მისი არსებობის შემთხვევაში;
- ბ. ნომინალური მფლობელობის მომსახურების (იგულისხმება მხოლოდ ფასიანი ქაღალდების ფლობა ნომინალურ მფლობელობაში და შესაბამისი მომსახურების გაწევა) შემთხვევაში, დავალება მოიცავს შემდეგ საკითხებს: ემიტენტი, ფასიანი ქაღალდების ტიპი, მთლიანი ნომინალური ღირებულება (ნომინალური ღირებულების არარსებობისას – რაოდენობა), გამოშვებული ფასიანი ქაღალდების რაოდენობა და თარიღი (ასეთის არსებობის შემთხვევაში), გადასაცემი ან მისაღები ფასიანი ქაღალდების სერია (ასეთის არსებობის შემთხვევაში),

გადასარიცხი ან მისაღები თანხების ოდენობა, შესაბამისი დავალების მოქმედების ხანგრძლივობა და სხვა ნებისმიერი დამატებითი პირობები;

გ. დავალების მიცემა უნდა განხორციელდეს ქართულ, თურქულ ან/და ინგლისურ ენებზე;

დ. დავალების მიცემა და შესრულება ხდება წინამდებარე ხელშეკრულებით განსაზღვრული წესით.

ე. “კომპანია” არ მოეთხოვება განხორციელოს დავალება, რომელიც აკრძალული, შეზღუდული ან სხვაგვარად ლიმიტირებულია სათანადო ფასიანი ქაღალდების ბაზარზე (ბაზრებზე) მოქმედი კანონმდებლობის და წესების მიხედვით. “კომპანია” ვალდებულია შეძლებისდაგვარად სწრაფად აცნობოს “კლიენტს” ასეთი აკრძალვების და შეზღუდვების შესახებ და მხარეები ერთობლივად იღებენ გადაწყვეტილებას ასეთ დავალებასთან დაკავშირებით. “კომპანია” არ არის პასუხისმგებელი ზარალზე, რომელიც მიადგება “კლიენტს” იმ შემთხვევაში თუ “კომპანია” ვერ ასრულებს დავალებას კანონით და წესებით დადგენილი შეზღუდვების გამო ან ბაზრის კონიუნქტურიდან გამომდინარე.

1.18. „საინვესტიციო (საბროკერო) ანგარიში“, ანუ “ანგარიში”- არის შიდა ანგარიში, რომელსაც “კომპანია” ამ ხელშეკრულების თანახმად, თანხებთან და ფასიან ქაღალდებთან დაკავშირებით ხსნის და აწარმოებს “კლიენტისათვის” და რომელიც სრულად შეიცავს ინფორმაციას ემიტენტის, ფასიანი ქაღალდების ტიპის შესახებ, მთლიან ნომინალურ ღირებულებას (ასეთის არარსებობის შემთხვევაში – რაოდენობას), გამოშვების ნომერს და თარიღს (ასეთის არსებობის შემთხვევაში), ფასიანი ქაღალდების სერიას (ასეთის არსებობის შემთხვევაში) და თანხების ოდენობას.

1.19. „არააქტიური ანგარიში“- არის ანგარიში რომელიც არ არის აქტიური ანგარიში.

1.20. “ემიტენტი”- არის ნებისმიერი იურიდიული პირი, რომელიც არის სათანადოდ ორგანიზებული და ფუნქციონირებს სათანადო იურისდიქციის კანონმდებლობის მიხედვით და რომელსაც გამოშვებული აქვს ფასიანი ქაღალდები.

1.21. „კანონმდებლობა“- ნიშნავს კანონებს, რომლებიც არეგულირებს “კომპანიის” ან მის მიერ განსაზღვრული შუამავლების, ბროკერ/დილერების, კასტდიანების ან ნომინალური მფლობელის მიერ წინამდებარე ხელშეკრულებით განსაზღვრულ საქმიანობებს.

1.22. “სამართლებრივი ბენეფიციარი და ბენეფიციარული საკუთრების პრინციპები”-გამოიყენება წინამდებარე ხელშეკრულების მ-8 მუხლით განსაზღვრული მნიშვნელობით.

1.23. “არსებითი პირობები”- ნიშნავს გარიჟები და დასატურების და სხვა შესაბამისი ოპერაციების ყველა პირობას, რომლებზეც თანხმდებიან მხარეები “კომპანიის” მიერ “კლიენტის” დავალების მიღებისას. არსებითი პირობები, როგორც მინიმუმ, უნდა მოიცავდეს შემდეგს:

- 1.21.1. გარიჟების განხორციელების თარიღი;
- 1.21.2. ანგარიშსწორების თარიღი;
- 1.21.3. დავალების ტიპი (ყიდვა, გაყიდვა, დავალება ფასზე ლიმიტით, დავალება ძალაშია მის გაუქმებამდე, და ა.შ.);
- 1.21.4. ემიტენტი;
- 1.21.5. ფასიანი ქაღალდების ტიპი;
- 1.21.6. ფასიანი ქაღალდების ღირებულება (ფასიანი ქაღალდების ღირებულება შესაძლოა დაფიქსირდეს ნომინალური ღირებულების პროცენტში);
- 1.21.7. მთლიანი ნომინალური ღირებულება ან/და ფასიანი ქაღალდების რაოდენობა (რომელიც შესაძლებელია);
- 1.21.8. გადასახდელი თანხა (კომპანიის გასამრჯელოს ჩათვლით).

1.24. “შეფასების მეთოდი”- ეფუძნება დახურვის ფასს, ანუ საბოლოო ფასს კონკრეტული დღისთვის იმ რეგულირებად საფონდო ბირჟაზე, სადაც ფასიანი ქაღალდი ივაჭრება იმ შემთხვევაში თუ დახურვის ფასი არ არსებობს, მხოლოდ, სასესხო ფასიან ქაღალდებთან და დეპოზიტებთან მიმართებით, შეფასების მეთოდი განისაზღვრება როგორც შეფასების მეთოდის გამოყენების დღის მდგომარეობით ნომინალური ღირებულებისა და დარიცხული პროცენტის ჯამი. იმ შემთხვევაში, თუ ხსენებული

არცერთი მექანიზმი არ არის ხელმისაწვდომი, შეფასების მეთოდი განისაზღვრება “კომპანიის” გონივრული და არგუმენტირებული შეფასებით.

1.25. “მხარე”- ნიშნავს “კომპანიას” და “კლიენტს” ცალ-ცალკე (ერთობლივად როგორც – “მხარეები”).

1.26. “გადასახდელი თანხა”- იმ შემთხვევაში თუ “კლიენტი” ყიდულობს ფასიან ქაღალდებს, “გადასახდელი თანხა” ნიშნავს გარიგების მთლიან ღირებულებას დამატებული “კომპანიის” სათანადო გასამრჯელოები, რომელიც “კლიენტმა” უნდა გადაუხადოს “კომპანიას” წინამდებარე ხელშეკრულების მიხედვით. იმ შემთხვევაში, თუ “კლიენტი” ყიდის ფასიან ქაღალდებს, “გადასახდელი თანხა” ნიშნავს გარიგების მთლიან ღირებულებას გამოკლებული “კომპანიის” სათანადო გასამრჯელოები, რომელიც “კომპანიამ” უნდა გადაუხადოს “კლიენტს” წინამდებარე ხელშეკრულების მიხედვით. იმ შემთხვევაში, თუ საქმე ეხება კუპონიან ფასიან ქაღალდებს გადასახდელი თანხა, გარიგების მთლიან ღირებულებაში, მოიცავს დარიცხულ პროცენტებს გამოთვლილს გარიგების დღეს.

1.27. “პირი”- ნიშნავს ნებისმიერ ფიზიკურ პირს, ამხანაგობას, ბანკს, ერთობლივ საწარმოს, ფირმას, კორპორაციას, კომპანიას, ასოციაციას, ტრასტს ან სხვა იურიდიულ პირს ან სამთავრობო სტრუქტურულ ერთეულს ან ნებისმიერ სააგენტოს, დეპარტამენტს და სხვა.

1.28. “მომსახურების სახეობათა ტარიფები”- ნიშნავს მომსახურების და შესაბამისი გადასახდელების ტარიფების სიას, როგორც ეს განსაზღვრულია დანართ 1-ში, რაც წარმოადგენს ამ ხელშეკრულების განუყოფელ ნაწილს.

1.29. “ფასიანი ქაღალდები”- ნიშნავს ნებისმიერ აქციებს, სახაზინო ვალდებულებას, ობლიგაციებს, არაუზრუნველყოფილ სავალო ფასიან ქაღალდებს, ვექსელს, სავალო ხელწერილს, ტრატას, ვალის მტკიცებულებებს, საპროცენტო სერტიფიკატს ან ნებისმიერ მოგების განაწილებასთან დაკავშირებულ შეთანხმებაში მონაწილეობას, უზრუნველყოფილ სტრასტო სერტიფიკატს, გადაცვლად აქციებს, საინვესტიციო კონტრაქტებს, ფასიან ქაღალდზე სადეპოზიტო სერტიფიკატს, ორმაგ ოპერაციას, OTC (არასაბირჟო ბაზარი) ნებისმიერ ფუთ, ქოლ სტრუქტურულ ოფციონებს ან/და სხვა ფინანსურ ინსტრუმენტებს ან/და ნებისმიერ პრივილეგიას ფასიან ქაღალდზე, დეპოზიტის სერტიფიკატზე, ფასიანი ქაღალდების ჯგუფზე ან ინდექსებზე ან ნებისმიერ ფუთ, ქოლ, სტრუქტურულ ოფციონებზე ან ეროვნულ საფონდო ბირჟაზე მოქმედ ნებისმიერ პრივილეგიას, რომელიც ეხება უცხოურ ვალუტას და სხვა, როგორც შესაძლოა განსაზღვრული იქნას კანონმდებლობის შესაბამისად, და მოიცავს სერტიფიკატებს, ამონაწერებს შესაბამისი სადეპოზიტარო ინსტიტუტებიდან, რომლებიც ამით ადასტურებენ საკუთრების უფლებას. ფასიანი ქაღალდებია ის, რომელიც გამოშვებული და დარეგისტრირებულია კანონმდებლობის საფუძველზე, და რომლებითაც ხორციელდება ვაჭრობა ორგანიზებული სახით საფონდო ბირჟებზე ადგილობრივი ბროკერების/დილერების ან სხვა საშუალებით.

1.30. “მომსახურება”- ნიშნავს მომსახურების სახეებს, რომლებსაც კომპანია უწევს კლიენტს წინამდებარე ხელშეკრულების თანახმად.

1.31. “ანგარიშსწორების დღე”- არის სამუშაო დღე, როდესაც გადასახდელი თანხა ერთი მხარის მიერ გადაერიცხება მეორე მხარეს მის საბანკო ანგარიშზე, თუ სხვაგვარად არ არის შეთანხმებული მხარეების მიერ ან/და ხდება ფასიანი ქაღალდების გადაცემა ერთი მხარის მიერ მეორე მხარის ფასიანი ქაღალდების ანგარიშზე.

1.32. “ამონაწერი”- განსაზღვრულია ხელშეკრულების მე-11 მუხლით;

1.33. “გარიგების დადასტურება”- ივსება “კომპანიის” მიერ საკუთარი დისკრეციის ფარგლებში დადგენილი ფორმით და შეიცავს მხარეების მიერ შეთანხმებულ პირობებს, არსებითი პირობების ჩათვლით. “გარიგების დადასტურება” წარმოადგენს დოკუმენტს, რომელიც ადასტურებს ფასიანი ქაღალდების მფლობელის უფლებათა გადასვლას ერთი მხარიდან მეორეზე. თუკი “გარიგების დადასტურება” და წინამდებარე ხელშეკრულების რომელიმე მუხლი არათავსებადია ერთმანეთის მიმართ, მაშინ “გარიგების დადასტურება” ჩაითვლება უპირატესად.

1.34. „გარიგების დღე“-ნიშნავს სამუშაო დღეს, როცა მხარეების მიერ თანხმდება ყველა არსებითი პირობა. გარიგების დღე ფიქსირდება „გარიგების დადასტურებაში“.

1.35. „ვებ-გვერდი“- არის „კომპანიის“ სარგებლობაში/საკუთრებაში არსებული ინტერნეტ- გვერდი, რაც მოიცავს შეუზღუდავად www.abbey.ge ან/და მის ყველა ინტერნეტ-გვერდ(ებ)ს.

1.36. „ინტერნეტ ბანკი“- ნიშნავს შპს „აბბი ასეტ მენეჯმენტის“ მიერ მისი კლიენტებისთვის შეთავაზებული და გაწეულ ინტერნეტ ბანკინგის მომსახურებას რომლის ფარგლებში, „კლიენტს“ მიენიჭა უფლებამოსილება და წვდომა ისარგებლოს ამ „ხელშეკრულების“ 4¹.4-4¹ მუხლებით დადგენილი მომსახურებით.

1.37. „OTC“- არ ვაჭრობს ორგანიზებულ საფონდო ან სასაქონლო ბირჟაზე, მაგრამ როგორც შპს "აბბი ასეტ მენეჯმენტის" მხრიდან მე-20 მუხლშია განმარტებული, გვევლინება, როგორც ბაზრის მარეგულირებელი ან როგორც არასაფონდო გარიგებების შემსრულებელი, ხელშეკრულება, რომელიც არეგულირებს ყოველგვარ ოპციას, ფიუჩერსის ან CFD-ის (ფასთაშორის სხვაობა) ჩათვლით სასაქონლო ერთეულს, ფასიანი ქაღალდს, ობლიგაციას, ვალუტას, სხვა ფინანსურ ინსტრუმენტს ან აქტივს.

2. ხელშეკრულების საგანი:

2.1. „კლიენტი“ გამოხატავს თანხმობას, რომ „კომპანიამ“- განახორციელოს წინამდებარე ხელშეკრულებით გათვალისწინებული მომსახურება და აცხადებს, რომ გადაუხდის „კომპანიას“ ამ ხელშეკრულებით გათვალისწინებულ გასამრჯელოებს. თავის მხრივ, „კომპანია“ აცხადებს თანხმობას, რომ გაუწევს „კლიენტს“ ამ ხელშეკრულებით გათვალისწინებულ მომსახურებას.

3. „კომპანიის“ მომსახურება:

3.1. დავალებების შესაბამისად, „კომპანია“ გამოიყენებს კომერციულად გონივრულ ძალისხმევას რათა განახორციელოს ქვემოთ მითითებული ერთი, რამდენიმე ან ყველა ქმედება:

- შეისყიდოს „კლიენტის“ მიერ დავალებებში აღნიშნული ფასიანი ქაღალდები;
- დაარეგისტროს ხელშეკრულების, მე-8 და მე-9 მუხლების მიხედვით შესყიდული ფასიანი ქაღალდები;
- „მხარეებს“ შორის წინასწარი მოლაპარაკებების და „კლიენტის“ დავალებებიდან გამომდინარე, გაყიდოს ან სხვა ფორმით გადასცეს ფასიანი ქაღალდები მესამე პირს.

3.2 „კომპანია“ ვალდებულია განახორციელოს, სათანადო ჩანაწერები ანგარიშზე, რაც ადასტურებს „კომპანიის“ მიერ დავალებების შესრულებას, ასევე სხვა ქმედებებს, როგორც ეს გაწერილია „მომსახურების სახეობათა ტარიფებში“ ან მხარეებს შორის დამატებით ხელშეკრულებებში.

3.3 „კომპანია“, საკუთარი შეხედულებისამებრ, განსაზღვრავს დავალებების საფუძველზე დადგენილი ოპერაციისათვის მისაღებ მეორე მხარეს. „კლიენტს“ არ გააჩნია უფლება მოთხოვოს „კომპანიას“ კლიენტის მიერ შეჩვენებულ კონკრეტულ პირთან ოპერაციის განხორციელება, თუ სხვაგვარად არ არის განსაზღვრული მხარეების მიერ.

3.4 „კომპანია“ მესამე პირებთან ოპერაციებს საკუთარი სახელით აწარმოებს.

3.5 თუ „კომპანიას“ არ აქვს მიღებული წერილობითი დავალებები მოიქცეს საპირისპიროდ, ნებისმიერი ფულადი სახსრები, რომლებიც „კომპანიამ“ უნდა მიიღოს მესამე პირისაგან ფასიანი ქაღალდების გაყიდვიდან მიღებული შემოსავლების, პროცენტებისა და დივიდენდების ჩათვლით, „კომპანიის“ მიერ ჩაირიცხება და შეინახება ანგარიშზე ფასიანი ქაღალდებში შემდგომი ინვესტირების მიზნით ამ ხელშეკრულების პირობებისა და დავალებების შესაბამისად.

3.6 ყოველგვარი ეჭვის გამოსარიცხად, „კომპანია“ იქნება ვალდებული ამ ხელშეკრულების პირობების შესაბამისად შეასრულოს და იმოქმედოს „დავალების“ საფუძველზე, მხოლოდ მას შემდეგ რაც, „კომპანიამ“ დაადასტურა კონკრეტული „დავალების“ მიღება და „კომპანია“ თავის პირად, სრულ და ულიმიტო დისკრეციის ფარგლებში დათანხმდა ამ „დავალების“ შესრულებას და მის შესაბამისად მოქმედებას.

4. ნომინალური მფლობელობის მომსახურება:

4.1. შესაბამისი დავალებების საფუძველზე, “კომპანია” გაუწევს “კლიენტს” ნომინალური მფლობელობის მომსახურებას, როგორც ეს განსაზღვრულია “მომსახურების სახეობების ტარიფებში”, ასეთის მოთხოვნის შემთხვევაში.

4.2. “კლიენტი” აცხადებს თანხმობას გადაუხადოს “კომპანიას” გასამრჯელო ნომინალური მფლობელობის მომსახურებისათვის იმ ოდენობით, როგორც ეს განსაზღვრულია “მომსახურების სახეობების ტარიფებში”, ამ ხელშეკრულების მე-6 მუხლის მიხედვით.

4.3. ნომინალური მფლობელობის მომსახურება განხორციელდება ამ ხელშეკრულების მე-5 მუხლის თანახმად.

4¹. ინტერნეტ ბანკის მომსახურება:

4¹.1. “ამ ხელშეკრულების მე-18 მუხლის შესაბამისად და შეუზღუდავად, იმ შემთხვევაში, თუ ამ “ხელშეკრულების” 4¹.1. მუხლის გათვალისწინებით, “კლიენტს” უზრუნველყოფილი აქვს წვდომა “ინტერნეტ ბანკში” ანგარიშთან დაკავშირებით, “კლიენტს” შეუძლია “კომპანიას” “დავლება” მიაწოდოს “ინტერნეტ ბანკის” მეშვეობით. ყოველგვარი ეჭვის გამოსარიცხად, ყველა მითითების, ანგარიშის, ანგარიშგების, შეტყობინების, “დავლების” - ან/და ნებისმიერი სხვა დოკუმენტაციის/კომუნიკაციის “ინტერნეტ ბანკიდან” მიღებას ან გაგზავნას ყველა სამართლებრივ და არასამართლებრივ ასპექტებში აქვს ამ ხელშეკრულების შესაბამისად ელ-ფოსტიდან იმავე დოკუმენტაციის/კომუნიკაციის მიღების ან გაგზავნის ტოლფასი ძალა.

4¹.2. “ინტერნეტ ბანკის” მეშვეობით “კლიენტს” შესაძლოა ჰქონდეს წვდომა საკუთარ ინფორმაციასთან, რაც მოიცავს შეუზღუდავად შემდეგს: “კლიენტის” პირად ინფორმაციას, კლიენტის აქტივების ჩამონათვალსა და ღირებულებას მიმდინარე დღის წინა საბუშაო დღის დახურვის მდგომარეობით და სხვა (“ინტერნეტ ბანკის ინფორმაცია”). ყოველგვარი ეჭვის გამოსარიცხად, “ინტერნეტ ბანკის ინფორმაცია” შესაძლოა მოიცავდეს ინფორმაციას, რომელიც გამომდინარეობს ან/და მიემართება კლიენტის “აქტიურ ანგარიშს” ან/და ნებისმიერ სხვა ანგარიშს, რომელიც “კლიენტს” აქვს გახსნილი “კომპანიასთან”, რაც მათ შორის შესაძლოა მოიცავდეს “კლიენტის” “სავაჭრო ანგარიშს”.

4¹.3. “კომპანია” ახორციელებს გონივრულ ქმედებებს, რათა მოიპოვოს ინფორმაცია სანდო წყაროებისგან (“წყაროები”) (სადაც რელევანტურია), მაგრამ “ინტერნეტ ბანკის ინფორმაცია” წარმოდგენილია არსებული პირველსახით, ყოველგვარი ნებისმიერი სახის (პირდაპირი ან ირიბი, ნაგულისხმევი ან ცალსახად გამოხატული) განცხადების ან გარანტიის გარეშე და “კომპანია” არ იღებს პასუხისმგებლობას ნებისმიერი სახის “ინტერნეტ ბანკის ინფორმაციასთან” დაკავშირებით, იმ შემთხვევაში თუ ეს “ინტერნეტ ბანკის ინფორმაცია” არ არის სრული, ზუსტი, გამოყენებადი და რელევანტური “კლიენტისთვის”. “კლიენტი” ცალსახად ადასტურებს და თანხმდება, რომ შეცდომები, გამორჩენები ან ხარვეზები “ინტერნეტ ბანკის ინფორმაციასთან” მიმართებით არ წარმოადგენს “კომპანიის” წინააღმდეგ რაიმე სახის, მოთხოვნის ან სხვა ქმედების წარდგენის სამართლებრივ თუ სხვაგვარ საფუძველს და “კლიენტის” პირად პასუხისმგებლობას წარმოადგენს მოახდინოს საკუთარი კვლევა და გადამოწმება “ინტერნეტ ბანკის ინფორმაციასთან” დაკავშირებით, რათა უზრუნველყოს მისი სისრულე, სიზუსტე, გამოყენებადობა და მისი ნამდვილობა დროის კონკრეტული მომენტისთვის. ამასთან, “კომპანია” არ იქნება პასუხისმგებელი “კლიენტის” მიმართ:

- აქტივების საბაზრო ფასის სიზუსტეზე;
- ნებისმიერ წყდომაზე, უზუსტობაზე, შეცდომაზე, გადავადებაზე ან გამორჩენებზე წარმოდგენილ საბაზრო ფასებში;
- აქტივების საბაზრო ფასების მიწოდების ნებისმიერ შეწყვეტაზე.

“ინტერნეტ ბანკის ინფორმაცია” არ ნახლდება “კლიენტისთვის” ნებისმიერი ფორმით მისი ხელმისაწვდომობის შედეგად და შესაძლოა შეცვლილი გარემოებების შედეგად გახდეს არაზუსტი და შეცდომაში შემყვანიც დროის გარკვეული პერიოდის გასვლის შედეგად, რომელიც ინფორმაციის მახასიათებლების გათვალისწინებით შეიძლება შეადგენდეს წამებს, წუთებს, დღეებს, კვირებს ან

თვეებს. “კომპანია” არ იძლევა გარანტიას არ იღებს რაიმე პასუხისმგებლობას “ინტერნეტ ბანკის ინფორმაციის” ვადაგასულობასთან ან რელევანტურობასთან დაკავშირებით.

თუ “ინტერნეტ ბანკის ინფორმაცია” გახდება ვადაგასული, “კომპანიას” არ ექნება ვალდებულება:

- განაახლოს “ინტერნეტ ბანკის ინფორმაცია”;
- მოახდინოს “კლიენტის” ინფორმირება აღნიშნულის თაობაზე, ან.
- განახორციელოს ნებისმიერი სხვა ქმედება;

4^{1.4}. რისკის აღიარება და დადასტურება – “კლიენტი” აღიარებს და ადასტურებს, რომ:

- “ინტერნეტ ბანკის ინფორმაცია” წარმოადგენილია მხოლოდ საინფორმაციო მიზნებისთვის და არ წარმოადგენს საინვესტიციო რჩევას ან ფასიანი ქაღალდების გაყიდვის ოფერტს ან ყიდვის ოფერტს ან ასეთი ოფერტების წახალისებას;
- ინტერნეტ ბანკის ინფორმაცია” შესაძლოა იყოს არასრული, არაზუსტი, არარელევანტური ან/და “კლიენტისთვის” გამოუყენებადი;
- “ინტერნეტ ბანკის ინფორმაციაში” შესაძლოა იყოს ხარვეზები ან გამორჩენები;
- “კლიენტის” პირადი პასუხისმგებლობას წარმოადგენს საკუთარი კვლევის და შემოწმების განხორციელება “ინტერნეტ ბანკის ინფორმაციასთან” დაკავშირებით, რათა უზრუნველყოს მისი სისრულე, სიზუსტე, გამოყენებადობა და მისი ნამდვილობა დროის კონკრეტული მომენტისთვის;
- “კომპანიას” არ გააჩნია რაიმე ფორმით სამართლებრივი ან/და ფაქტობრივი კონტროლი “ინტერნეტ ბანკინგთან” ან/და “ინტერნეტ ბანკის ინფორმაციასთან” დაკავშირებით.

4^{1.5}. “კომპანია” არ არის რაიმე ფორმით ვალდებული, “ინტერნეტ ბანკის” ნებისმიერი სახის არავტორიზებულ წვდომაზე მიუხედავად იმისა, ეს წვდომა იყო არამართლზომიერი (რაც მოიცავს შეუზღუდავად არამართლზომიერ გამოყენებას ვირუსის ან/და ნებისმიერი სხვა დამაზიანებელი პროგრამული კოდინგის შედეგად) თუ არა. “კლიენტი” პასუხისმგებელია ყველა მითითებაზე, ინფორმაციაზე, შეტყობინებაზე, ბრძანებაზე, “დავალებაზე” ან/და სხვა კომუნიკაციაზე და მათ სისწორეზე, რომლებიც გამოგზავნილი იქნა “ინტერნეტ ბანკიდან” “კლიენტის” სახელის, პაროლის ან სხვა “კლიენტის” პერსონალურად მაიდენტიფიცირებელი საშუალების გამოყენებით. “კლიენტი” ვალდებულია, საიდუმლოდ შეინახოს პაროლი და უზრუნველყოს რომ მესამე პირებს არ ექნებათ წვდომა “კლიენტის” საფაქრო პლატფორმებთან ან/და ანგარიშებთან. “კლიენტი” ვალდებულია “კომპანიის” მიმართ იმ კონტრაქტებთან მიმართებით, რომლებიც იქნა განხორციელებული “კლიენტის” პაროლის ან/და “ინტერნეტ ბანკის” გამოყენებით იმ შემთხვევაშიც, თუ ასეთი გამოყენება იყო არამართლზომიერი.

4^{1.6}. “ინტერნეტ ბანკის” გამოყენებისას, “კლიენტი” აღიარებს, იაზრებს და ადასტურებს, რომ არსებობს ინტერნეტის გამოყენებით ონგრირებული სისტემის გამოყენებით შესრულებულ ტრანზაქციებთან დაკავშირებული რისკები, რომლებიც მოიცავს თუმცა არ შემოიფარგლება შემდეგით: მოწყობილობის, პროგრამული უზრუნველყოფის, ინტერნეტის კავშირის წყობიდან გამოსვლა ან/და დაზიანება. ვინაიდან “კომპანიის” კონტროლს არ ექვემდებარება ინტერნეტის კავშირის მიღება, მისი სიძლიერე ან/და სიხშირე, ინტერნეტის გამოყენება, “კლიენტის” აღჭურვილობის კონფიგურაცია ან მისი კავშირის სანდობა, “კომპანია” არცერთ შემთხვევაში არ იღებს პასუხისმგებლობას და არ იქნება პასუხისმგებელი ინტერნეტით ვაჭრობისას კავშირის წყვეტის, დაზიანების, განადგურების, ხარვეზიანობის, გადავადების შემთხვევებისთვის.

4^{1.7}. “კომპანია” არ არის პასუხისმგებელი იმ ზიანისთვის ან ზარალისთვის, რომელიც გამოწვეულია ნებისმიერი პირის მიერ “ინტერნეტ ბანკზე” წვდომიდან ან ნებისმიერი წვდომის შეუძლებლობიდან გამომდინარე. აღნიშნული, მათ შორის, შეუზღუდავად მოიცავს ზიანს აღჭურვილობისადმი, საოპერაციო სისტემებისადმი, რომელიც გამოწვეულია ვირუსის ან/და ნებისმიერი სხვა დამაზიანებელი პროგრამული კოდინგის შედეგად. “კომპანიასთან” აღნიშნულ თემასთან დაკავშირებით კონსულტაცია არ წარმოადგენს სამოსამსახურეო ან სამომხმარებლო ურთიერთობას

მხარეებს შორის და “კომპანიას” არ ექნება და არ დაეკისრება რაიმე ვალდებულება აღნიშნული კონსულტაციიდან გამომდინარე არცერთი პირის მიმართ.

4^{1.8}. ნებისმიერი საბაზრო ფასი ან/და სხვა ინფორმაცია, რომელიც წარმოდგენილია/ ხელმისაწვდომია “ინტერნეტ ბანკზე” შესაძლებელია გამოყენებულ იქნეს მხოლოდ “კლიენტის” საკუთარი ბიზნეს მიზნებისთვის და მხოლოდ ამ ხელშეკრულებით გათვალისწინებული კონკრეტულ მომსახურებასთან მიმართებით. ნებისმიერი საბაზრო ფასის ან/და სხვა ინფორმაციის ნაწილის ან სრულად არაავტორიზებული კოპირება, გავრცელება, გასაჯაროება ან გადამისამართება (გადაგზავნა) არის მკაცრად აკრძალული.

4^{1.9}. განურჩევლად ნებისმიერი საწინააღმდეგო პირობისა თუ მუხლისა, “კლიენტი” ცალსახად აღიარებს, იაზრებს და ადასტურებს, რომ “კომპანიას” არ გააჩნია რაიმე ფორმით სამართლებრივი ან/და ფაქტობრივი კონტროლი “ინტერნეტ ბანკითან” ან/და “ინტერნეტ ბანკის ინფორმაციასთან” დაკავშირებით და “კომპანია” არ არის აღნიშნულის მმართველი და განმკარგველი პირი. “კომპანია” არანაირი ფორმით არ იღებს რაიმე პასუხისმგებლობა და არ იძლევა რაიმე სახით განცხადებას ან/ და გარანტიას “ინტერნეტ ბანკთან” ან/და “ინტერნეტ ბანკის ინფორმაციასთან” მიმართებით, მათ შორის შეუზღუდავად ინფორმაციის სისრულესთან, სიზუსტესთან, გამოყენებადობასთან, რელევანტურობასთან, სისტემის გამართულობასთან, ფუნქციონირებასთან, არაავტორიზებული და არამართლზომიერი წვდომის აღკვეთასთან და ინტენტიფიცირებასთან ან/და “ხელშეკრულების” 4¹ მუხლით მოცულ ნებისმიერ საკითხთან დაკავშირებით.

4^{1.10}. ამ ხელშეკრულების 4^{1.4}-4^{1.10} (ჩათვლით) მუხლებისა და “ინტერნეტ ბანკის ინფორმაციის” დეფინიციის მოქმედება გრძელდება განურჩევლად ხმ ხელშეკრულების ნებისმიერი შეწყვეტისა ან ვადის გასვლისა.

4². კლიენტის დემზორდის ონლაინ მომსახურება:

4^{2.1}. ამ ხელშეკრულების მე-18 მუხლის შესაბამისად და შეუზღუდავად, “კლიენტს” შეუძლია “კომპანიას” “დავალება” მიაწოდოს “კლიენტის დემზორდის ანგარიშის” მეშვეობით. ყოველგვარი ექვის გამოსარიცხად, ყველა მითითების, ანგარიშის, ანგარიშგების, შეტყობინების, “დავალების” ან/და ნებისმიერი სხვა დოკუმენტაციის/კომუნიკაციის “კლიენტის დემზორდის ანგარიშიდან” მიღებას ან გაგზავნას ყველა სამართლებრივ და არასამართლებრივ ასპექტებში აქვს ამ ხელშეკრულების შესაბამისად ელ-ფოსტიდან ონლაინ დოკუმენტაციის/კომუნიკაციის მიღების ან გაგზავნის ტოლფასი ძალა. ყოველგვარი ექვის გამოსარიცხად, “კლიენტის დემზორდის ანგარიშის” დაგენერირება და “კლიენტისთვის” მიწოდება/ არმიწოდება წარმოადგენს “კომპანიის” პირად, სრულ და ულიმიტო დისკრეციას. “კლიენტი” ცალსახად და პირდაპირ ადასტურებს და ეთანხმება, რომ “კლიენტის დემზორდთან” ან/და “კლიენტის დემზორდის ანგარიშთან” მიმართებით მომსახურება მხოლოდ მაშინ იქნება გაწეული “კომპანიის” მიერ, თუ “კომპანია” თავისი პირადი, სრული და ულიმიტო დისკრეციის ფარგლებში გადაწყვეტს დააგენერიროს და “კლიენტს” მიაწოდოს “კლიენტის დემზორდის ანგარიში” და “კომპანია” არ არის ვალდებული “კლიენტის” მოთხოვნის მიუხედავად მოახდინოს ასეთი ანგარიშის დაგენერირება და “კლიენტისთვის” მიწოდება.

4^{2.2}. “კლიენტის დემზორდის” მეშვეობით “კლიენტს” შესაძლოა ჰქონდეს წვდომა საკუთარ ინფორმაციასთან, რაც მოიცავს შეუზღუდავად შემდეგს: “კლიენტის” პირადინფორმაცია, კლიენტის აქტივების ჩამონათვალს, ტრანზაქციების ისტორიას, აქტივების წარმადობის გრაფიკს (Performance Chart), ფასიანი ქაღალდების ფასებს, ანგარიშგებას და ნებისმიერი სხვა ინფორმაციას/დოკუმენტაციას (“დემზორდის ინფორმაცია”). ყოველგვარი ექვის გამოსარიცხად, “დემზორდის ინფორმაცია” შესაძლოა მოიცავდეს ინფორმაციას, რომელიც გამომდინარეობს ან/და მიემართება კლიენტის “აქტიურ ანგარიშს” ან/და ნებისმიერ სხვა ანგარიშს, რომელიც “კლიენტს” აქვს გახსნილი “კომპანიასთან”, რაც, სხვათა შორის, შესაძლოა მოიცავდეს “კლიენტის” “სავაჭრო ანგარიშს”.

“მხარეები” ცალსახად თანხმდებიან, რომ “კომპანია” თავისი პირადი, ულიმიტო და სრული დისკრეციის ფარგლებში, საფუძვლის გარეშე, წინარე ან/და შემდგომი შეტყობინების ან/და “კლიენტის”

დასტურის/თანხმობის გარეშე, უფლებამოსილია დაუყოვნებლივ შეწყვიტოს “დეშბორდის ინფორმაციის” “კლიენტისთვის” მიწოდება სრულად ან/და ნაწილობრივ.

4.3. “კომპანია” ახორციელებს გონივრულ ქმედებებს, რათა მოიპოვოს ინფორმაცია სანდო წყაროებისგან (“წყაროები”) (სადაც რელევანტურია), მაგრამ “დეშბორდის ინფორმაცია” წარმოდგენილია არსებული პირველსახით, ყოველგვარი ნებისმიერი სახის (პირდაპირი ან ირიბი, ნაგულსხმევი ან ცალსახად გამოხატული) განცხადების ან გარანტიის გარეშე და “კომპანია” არ იღებს პასუხისმგებლობას ნებისმიერი სახის “დეშბორდის ინფორმაციასთან” დაკავშირებით, იმ შემთხვევაში თუ ეს “დეშბორდის ინფორმაცია” არ არის სრული, ზუსტი, გამოყენებადი და რელევანტური “კლიენტისთვის”. “კლიენტი” ცალსახად ადასტურებს და თანხმდება, რომ შეცდომები, გამორჩენები ან ხარვეზები “დეშბორდის ინფორმაციასთან” მიმართებით არ წარმოადგენს “კომპანიის” წინააღმდეგ რაიმე სარჩელის, მოთხოვნის ან სხვა ქმედების წარდგენის სამართლებრივ თუ სხვაგვარ საფუძველს; და “კლიენტის” პირად პასუხისმგებლობას წარმოადგენს მოახდინოს საკუთარი კვლევა და გადამოწმება “დეშბორდის ინფორმაციასთან” დაკავშირებით, რათა უზრუნველყოს მისი სისრულე, სიზუსტე, გამოყენებადობა და მისი ნამდვილობა დროის კონკრეტული მომენტისთვის, ამასთან “კომპანია” არ იქნება პასუხისმგებელი “კლიენტის” მიმართ:

- აქტივების საბაზრო ფასის სიზუსტეზე;
 - ნებისმიერ წყდომაზე, უზუსტობაზე, შეცდომაზე, გადავადებაზე ან გამორჩენებზე წარმოდგენილ საბაზრო ფასებში;
 - აქტივების საბაზრო ფასების მიწოდების ნებისმიერ შეწყვეტაზე.
- “დეშბორდის ინფორმაცია” არ ნახლდება “კლიენტისთვის” ნებისმიერი ფორმით მისი ხელმისაწვდომობის შედეგად და შესაძლოა შეცვლილი გარემოებების შედეგად გახდეს არაზუსტი და შეცდომაში შემყვანიც დროის გარკვეული პერიოდის გასვლის შედეგად, რომელიც ინფორმაციის მახასიათებლების განვალისწინებით შეიძლება შეადგენდეს წამებს, წუთებს, დღეებს, კვირებს ან თვეებს. “კომპანია” არ იძლევა გარანტიას არ იღებს რაიმე პასუხისმგებლობას “დეშბორდის ინფორმაციის” ვადაგასულობასთან ან რელევანტურობასთან დაკავშირებით. თუ “დეშბორდის ინფორმაცია” განდება ვადაგასული, “კომპანიას” არ ექნება ვალდებულება:

- განაახლოს “დეშბორდის ინფორმაცია”;
 - მოახდინოს “კლიენტის” ინფორმირება აღნიშნულის თაობაზე;
 - განახორციელოს ნებისმიერი სხვა ქმედება;
- “დეშბორდის ინფორმაცია” შესაძლოა იყოს მისი კონკრეტული ავტორის (ინფორმაციის მომწოდებლის/პროვაიდერის) პირადი მოსაზრება და არ გამოხატავდეს “კომპანიის” პოზიციას. “კომპანია” იტოვებს უფლებას მისი პირადი დიკრეციის ფარგლებში გამოიხმოს ან განაახლოს ნებისმიერი “დეშბორდის ინფორმაცია” ნებისმიერ დროის ყოველგვარი წინარე ან შემდგომი შეტყობინების გარეშე.

4.4. რისკის აღიარება და დადასტურება – “კლიენტი” აღიარებს და ადასტურებს, რომ:

- “დეშბორდის ინფორმაცია” წარმოდგენილია მხოლოდ საინფორმაციო მიზნებისთვის და არ წარმოადგენს საინვესტიციო რჩევას ან ფასიანი ქაღალდების გაყიდვის ოფერტს ან ყიდვის ოფერტს ან ასეთი ოფერტების წახალისებას;
- “დეშბორდის ინფორმაცია” შესაძლოა იყოს არასრული, არაზუსტი, არარელევანტური ან/და “კლიენტისთვის” გამოუყენებადი;
- “დეშბორდის ინფორმაციაში” შესაძლოა იყოს ხარვეზები ან გამორჩენები;
- “კლიენტის” პირად პასუხისმგებლობას წარმოადგენს საკუთარი კვლევის და შემოწმების განხორციელება “დეშბორდის ინფორმაციასთან” დაკავშირებით, რათა უზრუნველყოს მისი სისრულე, სიზუსტე, გამოყენებადობა და მისი ნამდვილობა დროის კონკრეტული მომენტისთვის.

4².5. “კომპანია” არ არის რაიმე ფორმით ვალდებული, “კლიენტის დემზორდის” / “კლიენტის დემზორდის ანგარიშის” ნებისმიერი სახის არავტორიზებულ წვდომაზე მიუხედავად იმისა ეს წვდომა იყო არამართლზომიერი (რაც მოიცავს შეუზღუდავად არამართლზომიერ გამოყენებას ვირუსის ან/და ნებისმიერი სხვა დამაზიანებელი პროგრამული კოდინგის შედეგად) თუ არა. “კლიენტი” პასუხისმგებელია ყველა მითითებაზე, ინფორმაციაზე, შეტყობინებაზე, ბრძანებაზე, “დავალებაზე” ან/და სხვა კომუნიკაციაზე და მათ სისწორეზე, რომლებიც გამოგზავნილ იქნა “კლიენტის დემზორდიდან” / “კლიენტის დემზორდის ანგარიშიდან” “კლიენტის” სახელის, პაროლის ან სხვა “კლიენტის” პერსონალურად მაიდენტიფიცირებელი საშუალების გამოყენებით. “კლიენტი” ვალდებულია, რომ საიდუმლოდ შეინახოს პაროლი და უზრუნველყოს, რომ მესამე პირებს არ ექნებათ წვდომა “კლიენტის” სავაჭრო პლატფორმებთან ან/და ანგარიშებთან. “კლიენტი” ვალდებულია “კომპანიის” მიმართ იმ კონტრაქტებთან მიმართებით, რომლებიც იქნა განხორციელებული “კლიენტის” პაროლის ან/და “კლიენტის დემზორდის ანგარიშის” გამოყენებით იმ შემთხვევაშიც, თუ ასეთი გამოყენება იყო არამართლზომიერი.

4².6. “კლიენტის დემზორდის ანგარიშის” ან/და “კლიენტის დემზორდის” გამოყენებისას, “კლიენტი” აღიარებს, იაზრებს და ადასტურებს, რომ არსებობს ინტერნეტის გამოყენებით ოპერირებული სისტემის გამოყენებით შესრულებულ ტრანზაქციებთან დაკავშირებული რისკები, რომლებიც მოიცავს თუმცა არ შემოიფარგლება შემდეგით: მოწყობილობის, პროგრამული უზრუნველყოფის, ინტერნეტის კავშირის წყობიდან გამოსვლა ან/და დაზიანება. ვინაიდან “კომპანიის” კონტროლს არ ექვემდებარება ინტერნეტის კავშირის მიღება, მისი სიძლიერე ან/და სიხშირე, ინტერნეტის გამოყენება, “კლიენტის” აღჭურვილობის კონფიგურაცია ან მისი კავშირის ხანძლობა, “კომპანია” არცერთ შემთხვევაში არ იღებს პასუხისმგებლობას და არ იქნება პასუხისმგებელი ინტერნეტით ვაჭრობისას კავშირის წყვეტის, დაზიანების, განადგურების, ხარვეზიანობის, გადავადების შემთხვევებისთვის.

4².7. “კომპანია” არ არის პასუხისმგებელი იმ ზიანისთვის ან ზარალისთვის, რომელიც გამოწვეულია ნებისმიერი პირის მიერ “კლიენტის დემზორდის ანგარიშზე” / “კლიენტის დემზორდზე” წვდომიდან ან ნებისმიერი წვდომის შეუძლებლობიდან გამომდინარე. აღნიშნული, მათ შორის, შეუზღუდავად მოიცავს ზიანს აღჭურვილობისადმი, საოპერაციო სისტემებისადმი, რომელიც გამოწვეულია ვირუსის ან/და ნებისმიერი სხვა დამაზიანებელი პროგრამული კოდინგის შედეგად. “კომპანიასთან” აღნიშნულ თემასთან დაკავშირებით კონსულტაცია არ წარმოადგენს სამოსამსახურეო ან სამომხმარებლო ურთიერთობას მხარეებს შორის და “კომპანიას” არ ექნება და არ დაეკისრება რაიმე ვალდებულება აღნიშნული კონსულტაციიდან გამომდინარე არცერთი პირის მიმართ.

4².8. ნებისმიერი საბაზრო ფასის ან/და სხვა ინფორმაცია, რომელიც წარმოდგენილია/ ხელმისაწვდომია “კლიენტის დემზორდის ანგარიშზე” / “კლიენტის დემზორდზე” შესაძლებელია გამოყენებულ იქნეს მხოლოდ “კლიენტის” საკუთარი ბიზნეს მიზნებისთვის და მხოლოდ ამ ხელშეკრულებით გათვალისწინებული კონკრეტულ მომსახურებასთან მიმართებით. ნებისმიერი საბაზრო ფასის ან/და სხვა ინფორმაციის ნაწილის ან სრულად არავტორიზებული კოპირება, გავრცელება, გასაჯაროება ან გადამისამართება (გადაგზავნა) არის მკაცრად აკრძალული.

4².9. ამ ხელშეკრულების 4².3-4².9 (ჩათვლით) მუხლების და “დემზორდის ინფორმაციის” დეფინიციის მოქმედება გრძელდება განურჩევლად ამ ხელშეკრულების ნებისმიერი შეწყვეტისა ან ვადის გასვლისა.

5. ანგარიშსწორების პროცედურები:

5.1. “კომპანია”, არაუგვიანეს გარიგების დღის მომდევნო სამუშაო დღისა, ამზადებს და აწვდის “კლიენტს” ან დაავალებს მის მიერ დანიშნულ პირს მოამზადოს და მიაწოდოს “კლიენტს” სათანადო გარიგების დადასტურება ამ ხელშეკრულების 18.1 მუხლის შესაბამისად. “კლიენტი” ვალდებულია შეატყობინოს “კომპანიას” გარიგების დადასტურებებში ნებისმიერი შეცდომის ან განსხვავების შესახებ “კომპანიისაგან” გარიგების დადასტურებების მიღებიდან ორ (2) სამუშაო დღის ვადაში. ასეთი შეტყობინების არმიღების შემთხვევაში, მხარეების მიერ გარიგების დადასტურება ჩაითვლება სწორად. თუ “კომპანია” არ მიიღებს შეტყობინებას “კლიენტისაგან” შეცდომის ან განსხვავების შესახებ, როგორც

ეს აღნიშნულია ზემოთ, “კლიენტი” კარგავს გარიგების დადასტურებაში შეცდომის შესახებ შემდგომში განცხადების უფლებას.

5.2. ფასიანი ქაღალდების შესყიდვის დროს, “კლიენტი” გადარიცხავს ან სხვა სახით უზრუნველყოფს გადასახდელი თანხის “კომპანიის” საბანკო ანგარიშზე დასმას წინასწარ ფასიანი ქაღალდის შესყიდვამდე. ალტერნატივის სახით, “კლიენტი” აძლევს “კომპანიას” მითითებას ანგარიშიდან თანხის ჩამოწერის შესახებ იმ პირობით, რომ ანგარიშზე არის საკმარისი რაოდენობის თანხა. “კომპანიას”, ასევე, მიეწოდება ანგარიშიდან ჩამოწერის შესახებ სათანადო დავალებები. ასეთი დავალებების არარსებობის შემთხვევაში, “კომპანიას” აქვს ანგარიშიდან ჩამოწერის უფლება და ეს ჩაითვლება, როგორც კლიენტის მხრიდან შესაბამისი დავალების შესრულება.

5.3. ამ ხელშეკრულების თანახმად, “კლიენტის” მიერ ასეთი ფორმით შესყიდული ფასიანი ქაღალდები დარეგისტრირდება “კომპანიის” მიერ და გადარიცხება ანგარიშზე გარიგების დადასტურებაში მითითებულ ანგარიშსწორების დღეს. აქვე, შეთანხმებულია და “კლიენტი” აღიარებს, რომ “კომპანიას” უფლება აქვს დააყოვნოს ვალდებულებების შესრულება, თუ ვერ ხერხდება კრედიტის გაცემის ორგანიზება ან წინასწარი გადახდა მხარეების მიერ, ან “კომპანიის” მიერ წარმოებული მოლაპარაკებების გამო მესამე პირთან, როგორც შესაძლოა იქნას ბროკერი/ დილერი, სადეპოზიტარო ინსტიტუტები, კლირინგის სისტემა ან კასტოდიანი.

5.4. ფასიანი ქაღალდების “კლიენტის” დავალებების შესაბამისად გაყიდვისას, “კომპანია” ანგარიშსწორების დღეს გადარიცხავს ან უზრუნველყოფს გადასახდელი თანხის ანგარიშზე გადარიცხვას, როგორც ეს განსაზღვრულია გარიგების დადასტურებაში ან “კომპანიის” მიერ გადასახდელი თანხის მიღების დღიდან არა უმეტეს სამი (3) სამუშაო დღისა მესამე პირისაგან, ბროკერი/დილერისაგან, სადეპოზიტარო ინსტიტუტისაგან, კლირინგ სისტემისა ან “კომპანიის” კასტოდიანისაგან იმ პირობით, რომ ანგარიშზე არის საკმარისი ფასიანი ქაღალდები ან გატარებულია სათანადო ღონისძიებები კრედიტის ასაღებად ან წინასწარი გადახდა გაკეთებულია მხარეების მიერ. “კლიენტი” ვალდებულია მისცეს დავალება “კომპანიას” შეეტანოს ანგარიშზე “კლიენტის” კუთვნილი ფულადი სახსრები, და ჩამოწეროს ანგარიშიდან მესამე პირის კუთვნილი ფასიანი ქაღალდები. ანგარიშზე თანხების შეტანის და ანგარიშიდან მათი ჩამოწერის შესახებ სათანადო დავალებები მოცემული უნდა იქნას, გარიგების დადასტურებაში. ასეთი დავალებების არარსებობის შემთხვევაში, “კომპანიას” უფლება აქვს, განხორციელოს ანგარიშზე ჩარიცხვა ან ჩამოწერა და ეს ჩაითვლება, როგორც “კომპანიის” მიერ “კლიენტის” შესაბამისი დავალებების შესრულება.

5.5. ხელშეკრულების პირობებით გათვალისწინებული მხარეების მიერ განსახორციელებელი ყველაგადახდა მოხდება ამ ხელშეკრულების მე-6 მუხლის თანახმად, თუ სხვაგვარად არ არის შეთანხმებული მხარეების მიერ.

5.6. მომსახურებასთან დაკავშირებული ნებისმიერი ოპერაცია, ნომინალური მფლობელობის და სხვა მომსახურების ჩათვლით, როგორც ეს განსაზღვრულია მომსახურების სახეობათა “ტარიფებში”, განხორციელდება მხარეების მიერ შეთანხმებულ ვადებში იმ პირობით, რომ “კლიენტი” მომსახურებისათვის საჭირო დავალებებსა და დოკუმენტებს დროულად მიაწვდის “კომპანიას”. თუ მხარეების მიერ არ არის დადგენილი ვადები, “კომპანია” ახორციელებს მომსახურებას შეძლებისდაგვარად სწრაფად. ნებისმიერ შემთხვევაში “კლიენტი” თანხმდება “კომპანიის” მიერ მომსახურების განხორციელებას, მესამე პირთან არსებული შეთანხმებების თანახმად, რომელიც მოქმედებს, როგორც სადეპოზიტარო ინსტიტუტი, საკლირინგო სისტემა ან “კომპანიის” კასტოდიანი.

5.7. “კომპანია” არ არის პასუხისმგებელი დავალებების შესრულებასა ან გარიგების დადასტურების აღსრულებაზე, თუ “კლიენტი” არ უზრუნველყოფს საჭირო სახსრების ან/და ფასიანი ქაღალდების არსებობას ანგარიშზე. ამიტომ, მხარეები თანხმდებიან, რომ მხარეებს შორის წინასწარი შეთანხმების საფუძველზე, “კომპანიას” შეუძლია “კლიენტის” უზრუნველყოფა ფულადი სახსრებით ან ფასიანი ქაღალდებით კრედიტში იმ პირობით, თუ ასეთი ურთიერთობის შესახებ გაფორმდება წერილობითი შეთანხმება მხარეებს შორის. ამ ხელშეკრულების სხვა დებულებებისათვის ზიანის მიუყენებლად, თუ

კომპანია თანახმაა უზრუნველყოს კლიენტი ფულადი სახსრებით ან ფასიანი ქაღალდებით კრედიტში, “კლიენტი” დამატებით გადაუხდის “კომპანიას” დაფინანსების ხარჯს, რომელიც განსაზღვრულია სახსრების ან ფასიანი ქაღალდების რაოდენობაზე, როგორც ეს განსაზღვრულია 1 მუხლში და რომელიც გამოითვლება ფაქტიურ/365 დღიან ბაზაზე.

5.8. “კლიენტს” არ გააჩნია უფლებამოსილება განახორციელოს ფასიანი ქაღალდების ნებისმიერი ყიდვა ან გაყიდვა “პირთან”, მანამ სანამ “კომპანია” წარმოადგენს მხარეს აღნიშნული გარიგებისა.

6. გასამრჯელოს გადახდა:

6.1. “კლიენტი” თანახმაა გადაუხადოს “კომპანიას” მომსახურების გასამრჯელო, როგორც ეს დადგენილია დანართ 1-ში “მომსახურების სახეობათა ტარიფები”.

6.2. ხელშეკრულების 6.1 მუხლის დარღვევის გარეშე, “კლიენტი” ვალდებულია გადაუხადოს “კომპანიას” გასამრჯელო და ანაზღაუროს “კომპანიის” მიერ გონივრულ ფარგლებში გაწეული ხარჯები მათი არსებობის შემთხვევაში, როგორც ეს განსაზღვრულია ხელშეკრულების 6.3. მუხლით.

6.3. “კომპანიის” კუთვნილი გასამრჯელოს და ანაზღაურებელ ხარჯებს, ასეთის არსებობის შემთხვევაში, “კლიენტი” ფარავს გარიგების განხორციელებიდან ხუთი (5) სამუშაო დღის განმავლობაში. წინააღმდეგ შემთხვევაში, კომპანიას უფლება აქვს გადაუხადელი გასამრჯელო “კლიენტს” ჩაუთვალოს “კომპანიის” მიერ გაწეულ ხარჯად და მისი ხარჯთაღრიცხვა “კლიენტს” წარუდგინოს “დაფინანსების ხარჯების” (მუხლი 1) პირობების თანახმად. კლიენტებს, რომლებიც წარმოადგენენ რეზიდენტ იურიდიულ პირებს, მათი მოთხოვნის საფუძველზე, “კომპანია” წარუდგენს ინვოისს. ზემოაღნიშნულის გარდა, “კომპანიას” შეუძლია ჩამოწეროს “კლიენტის” ანგარიშიდან მისი კუთვნილი გასამრჯელო და ხარჯების ანაზღაურების თანხები იმ შემთხვევაში, თუ: (1) “კლიენტს” ანგარიშზე აქვს შესაბამისი თავისუფალი (არა მიზნობრივი) თანხები და კლიენტისათვის “კომპანიისაგან” ცნობილია გასამრჯელოსა და ხარჯების ოდენობა, ან (2) “კლიენტი” ვერ ახერხებს გადაუხადოს “კომპანიას” გასამრჯელო და აუნაზღაუროს გონივრულ ფარგლებში გაწეული ხარჯები დროულად, როგორც ეს განსაზღვრულია ზემოთ წარმოდგენილ მუხლში. ანგარიშზე საკმარისი თანხების არარსებობის შემთხვევაში, “კომპანიას” უფლება აქვს გაყიდოს ფასიანი ქაღალდების შესაბამისი რაოდენობა, რაც საშუალებას მისცემს მიიღოს გასამრჯელოს და გაწეული ხარჯების დასაფარი საკმარისი თანხა.

6.4. “კომპანიის” გასამრჯელოები, როგორც ეს განსაზღვრულია მომსახურების სახეობათა ტარიფებში, მოცემულია დღ-ს და სხვა სათანადო გადასახადების (ასეთების არსებობის შემთხვევაში) გარეშე, რაც შესაძლოა დაერიცხოს “კომპანიისათვის” განკუთვნილ გასამრჯელოებს. ასეთი გადასახადების ოდენობა, მათი გამოყენების შემთხვევაში, “კომპანიის” მიერ შეიტანება ხარჯთაღრიცხვაში, რათა მოხდეს “კომპანიის” კუთვნილი გასამრჯელოსა და გაწეული ხარჯების დასაფარავი თანხის ანაზღაურება ამ ხელშეკრულების 6.3 მუხლის თანახმად.

7. მხარეების პასუხისმგებლობის შეზღუდვა:

7.1. “კლიენტის” მხრიდან ხელშეკრულებით ან გარიგების დადასტურების დოკუმენტით გათვალისწინებული ვალდებულებების შეუსრულებლობის შემთხვევაში, “კლიენტი” ვალდებულია “კომპანიას” გადაუხადოს პროცენტი მიღებული საბაზრო პრაქტიკიდან გამომდინარე, “კომპანიის” მხრიდან მოთხოვნის შემთხვევაში. “კლიენტი” ვალდებულია განახორციელოს გადახდა “კომპანიისაგან” აღნიშნული გადახდის შესახებ წერილობითი/ელექტრონული შეტყობინების მიღებიდან სამი (3) სამუშაო დღის ვადაში. ასეთი შეტყობინება წარმოადგენს გადახდის ვალდებულების წარმოქმნის ერთადერთ საფუძველს. პროცენტის გადახდა არ ათავისუფლებს “კლიენტს” მისი ვალდებულებების შესრულებისაგან.

7.2. „კლიენტი“, მოთხოვნისამებრ და კანონიერების სრული დაცვით, გაათავისუფლებს და დაიცავს ანაზღაურების პასუხისმგებლობისგან ან აუნაზღაურებს „კომპანიას“, მის დირექტორებს, ოფიცრებს, აგენტებს და თანამშრომლებს (შემდგომში ყოველი ასეთი ორგანიზაცია ან პირი მოიხსენება როგორც „ანაზღაურების მიმღები პირი“) ნებისმიერ და ყველა ზარალს, გადახდის მოთხოვნას, სამოქალაქოსამართლებრივ/ საჯაროსამართლებრივ (სახელმწიფო, მარეგულირებლის)/

სისხლისსამართლებრივ ჯარიმას/გადასახადს, ხარჯს, ზიანს ან ვალდებულებას (მათ შორის იურიდიულ ხარჯებს, გამოძიების და ნებისმიერი დოკუმენტის მომზადების ხარჯებს და პროფესიული სერვისების საფასურს), რაც „ანაზღაურების მიმღებ პირს“ წარმოეშვა მათი ან რომელიმე მათგანის წინააღმდეგ მესამე მხარის პრეტენზიის შედეგად, რომელიც უკავშირდება „მომსახურებას“ ან/და ამ ხელშეკრულებას, მათ შორის ამ საქმიანობასთან მიმართებით „კომპანიის“ ან/და „ანაზღაურების მიმღები პირის“ მიერ რაიმე ფორმით გაცემულ, მიწოდებულ ან მომზადებულ ინფორმაციას ან რჩევას.

7.3. „კლიენტი“ თანახმაა, რომ „კომპანიის“ წინასწარი წერილობითი თანხმობის გარეშე, არ მორიგდება, შეთანხმებას მიაღწევს ან დათანხმდება ან/და არ შესთავაზებს მორიგებას, შეთანხმებას ან თანხმობას რაიმე გადაწყვეტილებაზე რომელიმე მიმდინარე ან სავარაუდო სარჩელზე, სასამართლო პროცესზე ან სამართალწარმოებაზე, რომელიც ეხება „კომპანიის“ ამ ხელშეკრულებაში განსაზღვრულ საქმიანობას, თუ ასეთი მორიგება, შეთანხმება ან თანხმობა არ მოიცავს „კომპანიის“ და სხვა „ანაზღაურების მიმღები პირების“ უპირობო გათავისუფლებას ყველა ვალდებულებისგან, რომლებიც გამომდინარეობს ასეთი სარჩელიდან, სასამართლო პროცესიდან ან სამართალწარმოებიდან და არ მოიცავს რომელიმე „ანაზღაურების მიმღები პირის“ მიერ ან მისი სახელით განცხადებას, ან აღიარებას, რომ დაუშვა შეცდომა, ჩაიდინა დანაშაული ან ვერ განახორციელა ქმედება.

7.4. ეჭვის გამოსარიცხად, წინამდებარე შეთანხმებით გაცხადებულია, რომ „კომპანია“ და სხვა „ანაზღაურების მიმღები პირები“ არ იღებენ რაიმე ვალდებულებას, მოვალეობას ან პასუხისმგებლობას კონტრაქტით, დელიქტით ან სხვაგვარად, მათ შორის „მომსახურებასთან“ ან/და ამ ხელშეკრულებასთან დაკავშირებული რაიმე ქმედების აღსრულებას ან შესრულებასთან დაკავშირებით, გარდა მოვალეობისა, გამოიჩინონ სათანადო ყურადღება და ღონისძიებები და, განურჩევლად სხვა პირობებისა, არც ერთ შემთხვევაში „კომპანია“ და სხვა „ანაზღაურების მიმღები პირები“ არ იქნებიან კონტრაქტით, დელიქტით ან სხვაგვარად პასუხისმგებელი „კლიენტის“ რაიმე მოგებასთან, (მათ შორის მიუღებელი, პირდაპირ ან/და არაპირდაპირ) შემოსავალთან, ბიზნესთან, მოსალოდნელი დანაზოგებთან პირდაპირ ან/და არაპირდაპირ დაკავშირებულ ზიანზე ან/და ზარალზე ან/და ნებისმიერ და ყველა პირდაპირ, ირიბ ან წარმოებულ ზიანზე ან/და ზარალზე, გარდა იმ შემთხვევისა და იმ ოდენობით, რა ნაწილში სასამართლო თავის საბოლოო გადაწყვეტილებაში (ასეთის არსებობის შემთხვევაში) დაადგენს, რომ ასეთი ზარალი უშუალოდ გამომდინარეობს „კომპანიისა“ და სხვა „ანაზღაურების მიმღები პირების“ ცალსახა და პირდაპირი უხეში გაუფრთხილებლობის, თაღლითობის ან გაზრახ არასწორი ქმედებიდან.

7.5. განურჩევლად ნებისმიერი საწინააღმდეგო ჩანაწერისა და „კომპანიის“ პასუხისმგებლობის შეზღუდვის ამ ხელშეკრულებით გათვალისწინებული სხვა პირობების შეუზღუდავად, „კომპანია“ ვალდებულია განახორციელოს „კლიენტისათვის“ მიყენებული ნებისმიერი ზარალის და ზიანის კომპენსაცია მხოლოდ იმ შემთხვევაში, თუკი ასეთი გამოწვეულია მოვალეობის განზრახ, ან უხეში დაუდევრობით შეუსრულებლობით უგულვებელყოფით, უპატიოსნო ქმედებით ან არამართებული საქციელით. „კომპანია“ არანაირ შემთხვევაში არ აგებს პასუხს (1) ემიტენტის მიერ ჩადენილ ნებისმიერ ქმედებაზე, რამაც შესაძლოა გავლენა იქონიოს ფასიანი ქაღალდების მფლობელის უფლებებზე; (2) საბანკო ან სადეპოზიტარო ინსტიტუტების, კასტოდიური ან კლირინგის სისტემების მხრიდან ვალდებულების შეუსრულებლობის შემთხვევაში, რაც გამოიხატება ფასიან ქაღალდებში ინვესტირებისათვის განკუთვნილი ან მათი გაყიდვის შედეგად მიღებული ფულადისახსრების ჩარიცხვის ან გადარიცხვის არშესრულებაში. „კომპანია“ მიმართავს გონივრულ ზომებს „კლიენტისთვის“ მიყენებული ზიანის აღმოფხვრის, ან მისი მინიმუმამდე დაყვანის მიზნით, ამასთან „კომპანია არ არის ვალდებული გასწიოს რაიმე ხარჯები „კლიენტს“ არა აქვს უფლება პასუხისმგებლობა დააკისროს „კომპანიას“ ნებისმიერ ამგვარად მიყენებულ არაპირდაპირ ზარალზე, მოგების დაკარგვის ჩათვლით.

7.6. წინამდებარე პასუხისმგებლობის შეზღუდვისა და ზიანის ანაზღაურების ჩანაწერები არ ზღუდავს და ემატება „კომპანიისთვის“, ზოგადად, კანონმდებლობით ან სხვაგვარად ხელმისაწვდომ ან არსებულ პასუხისმგებლობის შეზღუდვის და ზიანის ანაზღაურების ჩანაწერებს.

7.7. არაფერი ამ ხელშეკრულებაში არ უნდა იქნეს განმარტებული ისე, რომ „კომპანია“ და სხვა „ანაზღაურების მიმღები პირები“ განისაზღვრონ „კლიენტის“ რწმუნებულად.

7.8. „კლიენტის“ კუთვნილი ნებისმიერი სახსრები და ფასიანი ქაღალდები, ან ისინი, რომელშიც „კლიენტს“ აქვს დაინტერესება და რომლებიც ინახება „კომპანიის“, ქვემდებარე კომპანიის, ნომინალური მფლობელის ან კასტოდიანის მიერ იმისდა მიხედვით, თუ როგორ არის განსაზღვრული წინამდებარე ხელშეკრულების მიხედვით, ექვემდებარება გასესხებასა და დაგირავებას, რათა მოხდეს „კლიენტის“ ვალდებულებების დაფარვა „კომპანიის“ მიმართ და „კომპანია“, ამ შემთხვევაში, უფლებამოსილია გაყიდოს ან/და შეისყიდოს ამ სახსრების და ფასიანი ქაღალდების მთლიანი ოდენობა ან ნაწილი რის შესახებაც წინასწარ აცნობოს კლიენტს,, რათა მოხდეს დაყადაღებისა და გირავნობის პროცენტის დაკმაყოფილება. „კლიენტი“ უპირობოდ ნიშნავს „კომპანიას“ თავის ნდობით აღჭურვილ პირად, რომელიც უფლებამოსილია გააფორმოს, ხელი მოაწეროს, შექმნას ან/და აღასრულოს ყველა დოკუმენტი აღნიშნული ყადაღის ან გირავნობის რეგისტრაციისა და სხვა ფორმალობებთან დაკავშირებით და მიმართებით.

7.9. ამ მე-7 მუხლის მოქმედება გრძელდება განურჩევლად, ამ ხელშეკრულების ნებისმიერი შეწყვეტისა ან ვადის გასვლისა.

8. სამართლებრივი ბენეფიციარი და ბენეფიციარული საკუთრების პრინციპები:

8.1. „კლიენტი“, როგორც ფასიანი ქაღალდების სამართლებრივი მესაკუთრე, თანახმაა რომ ფასიანი ქაღალდები დარეგისტრირდეს შესაბამის სადეპოზიტარო ინსტიტუტსა თუ კასტოდიანში, რომელსაც შეარჩევს და მართებულად ჩათვლის „კომპანია“, მისი, როგორც პრინციპალის სახელზე. „კლიენტი“ თანხმობას აცხადებს, რომ „კომპანიამ“ თავისი გადაწყვეტილებით დანიშნოს მესამე პირი, რომელიც იმოქმედებს როგორც „კომპანიის“ დეპოზიტარი ან წარმომადგენელი შესაბამისი სადეპოზიტარო ხელშეკრულების დებულებების შესაბამისად, რომელიც ფორმდება „კომპანიას“ და შესაბამის დეპოზიტართან ან კასტოდიანთან.

8.2. ფასიანი ქაღალდებზე გადახდილი ყველა დივიდენდი და კუპონური პროცენტი, ასევე, ნებისმიერი ფულადი სახსრები განაწილებული, როგორც დივიდენდები ან პროცენტები შეიტანება კლიენტის ანგარიშზე „კომპანიის“ მიერ მათი მიღებისთანავე აღნიშნული დივიდენდები და პროცენტები შესაძლოა გამოყენებული იქნას „კომპანიის“ მიერ კლიენტის დავალებებისა და ამ ხელშეკრულებით გათვალისწინებული მიზნებისათვის: „კომპანია“ არ არის პასუხისმგებელი ემიტენტის მიერ გამოცხადებულ დივიდენდებზე ან მათ ნაწილზე, რომელსაც „კომპანია“ არ მიიღებს სათანადო გადასახადების დაქვითვის შედეგად ან სხვა მიზეზით, რაც არ ექვემდებარება „კომპანიის“ კონტროლს.

8.3. იმ კომპანიის აქციონერთა/ობლიგაციონერთა (ან/და სხვა სახის „ფასიანი ქაღალდების“ მფლობელთა) კრების (შემდგომში „კრება“) ჩატარების შემთხვევაში, რომლის „ფასიანი ქაღალდებსაც“ „კლიენტი“ ფლობს „კომპანიის“ ნომინალური მფლობელობის მეშვეობით, „კომპანია“ აღნიშნულთან დაკავშირებით ინფორმაციის მიღების შედეგად გონივრულ ვადაში მიაწვდის აღნიშნულის თაობაზე შეტყობინებას „კლიენტს“ ამ „ხელშეკრულებაში“ მითითებული ელექტრონული ფოსტის მეშვეობით. აღნიშნულ შეტყობინებასთან მიმართებით, „კლიენტი“ ვალდებულია ამხელშეკრულების პირობების შესაბამისად, „კომპანიის“ მიერ განსაზღვრულ ვადაში, ან (1) წარმოადგინოს თავისი პოზიცია შეტყობინებაში მითითებულ საკითხებთან დაკავშირებით, რომლის შესაბამისადაც „კომპანია“ „კრებაზე“ დააფიქსირებს პოზიციას ან (2) გამოთქვას სურვილი მიიღოს მონაწილეობა „კრებაში“, რასაც „კომპანია“ უზრუნველყოფს თუ აღნიშნული არის გონივრულად შესაძლებელი არსებული კანონმდებლობის, ხელშეკრულებებისა და სხვა გარემოებების გათვალისწინებით. ყოველგვარი ეჭვის გამოსარიცხად, „კომპანია“ რაიმე ფორმით არ იღებს ვალდებულებას/პასუხისმგებლობას უზრუნველყოს „კლიენტის“ დასწრება/ მონაწილეობა „კრებაში“. „კომპანია“ უფლებამოსილია და „კლიენტი“ თანახმაა „კომპანიას“ მიაწვდის ასეთი უფლებამოსილება/მინდობილობა, თავად, თავისიშეხედულებით, მიიღოს მონაწილეობა „კრებაში“ და ამ „კრებაზე“ გამართულ კენჭისყრაში, თუ:

- „კლიენტმა“ შეტყობინებაში მითითებულ საკითხებთან დაკავშირებით თავისი პოზიცია არ მიაწოდა კომპანიას ამ ხელშეკრულების პირობების შესაბამისად ან/და „კომპანიის“ მიერ დადგენილ ვადაში;
- „კლიენტმა“ „კრებაში“ მონაწილეობის სურვილი არ მიაწოდა კომპანიას ამ „ხელშეკრულების“ პირობების შესაბამისად ან/და „კომპანიის“ მიერ დადგენილ ვადაში ან „კლიენტის“ მონაწილეობა „კრებაში“ არ არის შესაძლებელი „ხელშეკრულების“ ამ 8.3 მუხლში ხსენებული მიზეზ(ებ)ით.

ყოველგვარი ეჭვის გამოსარიცხად, „მხარეები“ თანხმდებიან, რომ „კომპანია“ არ არის ვალდებული აწარმოოს რაიმე სახის მონიტორინგი, კონტროლი ან სხვა სახის ღონისძიება, „კრების“ ინიცირებასთან, ჩატარებასთან, თარიღთან ან სხვა საკითხებთან მიმართებით. „კომპანია“ ამ მუხლის პირობების შესაბამისად, „კლიენტს“ მიაწვდის „კრებასთან“ დაკავშირებით შეტყობინებას, მხოლოდ იმ შემთხვევაში, თუ „კრების“ ჩატარების შესახებ „კომპანიის“ ინფორმირება მოახდინა შესაბამისმა უფლებამოსილმა პირმა (მაგ. ემიტენტმა, კასტოდიანმა, ნომინალურმა მფლობელმა და სხვა).

8.4. „ხელშეკრულების“ 8.3 მუხლისთვის ზიანის მიყენების გარეშე, „კომპანია“ უფლებამოსილია თავად მიიღოს მონაწილეობა „კრებაში“ და „კრებაზე“ გამართულ კენჭისყრაში ან დანიშნოს კასტოდიანი ან ნომინალური მფლობელი, მისი ერთპიროვნული გადაწყვეტილებით, „კრებასა“ და „კრებაზე“ გამართულ კენჭისყრაში მონაწილეობის მიზნით.

8.5. „კლიენტი“ თანახმაა მიანიჭოს კომპანიას უფლებამოსილება, რომ მან დააჯგუფო „კლიენტის“ ფასიანი ქაღალდები „კომპანიის“ სხვა „კლიენტების“ ფასიანი ქაღალდებთან. გარდა ამისა, „კლიენტი“ ადასტურებს, რომ იგი არ მოითხოვს „კომპანიისაგან“ იგივე აქტივების გადაცემას, მაგრამ „კომპანიას“ მოეთხოვება შეასრულოს თავისი მოვალეობანი „კლიენტის“ მიმართ მისთვის მსგავსი სახისა და ოდენობის აქტივების მიწოდებით.

9. შუამავლების, კასტოდიანების, ნომინალური მფლობელების და ბროკერ/დილერების დანიშვნა:

9.1. „კომპანია“ უფლებამოსილია დანიშნოს შუამავლები, კასტოდიანები, ბროკერ/ დილერები და ნომინალური მფლობელები თუკი ეს ერთპიროვნულად გადაწყვეტს, რომ ეს საჭიროა ფასიანი ქაღალდებით ვაჭრობისათვის, შენახვისათვის და მათი დარეგისტრირებისათვის ამ ხელშეკრულების მუხლი 8-ის მიხედვით. „კომპანია“ უფლებამოსილია ამგვარად დანიშნულ მესამე პირზე მოახდინოს ამ ხელშეკრულებით გათვალისწინებულ მის მიერ განსახორციელებელი ნებისმიერი ფუნქციების დელეგირება ფასიანი ქაღალდების რეგისტრაციის და ფასიანი ქაღალდებთან დაკავშირებული გადასახდელების მიღების ჩათვლით.

10. მხარეთა განცხადებები და გარანტიები:

10.1. „კლიენტი“ ადასტურებს, რომ ფასიანი ქაღალდებში განხორციელებული ინვესტიციები დაკავშირებულია გარკვეულ ჭრაუდებთან და მაღალ რისკებთან, რომლებიც მოიცავს, მაგრამ არ შემოიფარგლება, პოლიტიკურ რისკებით, მაღალი განაკვეთებით დაბეგვრით, პოლიტიკური და ეკონომიკური დესტაბილიზაციით, ვალუტის დევალვაციის შესაძლებლობით, ვალუტის კურსის მერყეობით, გარკვეული პოლიტიკით, რამაც შესაძლოა გამოიწვიოს ინვესტიციაზე ამონაგების მიღების შეზღუდვა, როგორცაა ინვესტიცია ისეთ ბიზნესში, რომელიც შესაძლოა ეხება ნაციონალურ ინტერესებს და ასეთი სახის ამონაგების რეპატრიაციას. „კლიენტი“ აცხადებს და იძლევა გარანტიას, რომ იგი აცნობიერებს და მსგავს რისკ ფაქტორებს, ზემო განსაზღვრული ჩამონათვალის ჩათვლით და ადასტურებს თავის ფინანსურ შესაძლებლობას იმ ზარალის შემთხვევაში, რომელიც დაკავშირებული იქნება ფასიანი ქაღალდების და ფულადი სახსრების მიმართ მსგავსი ფაქტორების მოქმედების დროს.

„კლიენტი“, აგრეთვე, აცხადებს და იძლევა გარანტიას, რომ:

- I. მას აქვს და ხელშეკრულების მოქმედების პერიოდში ექნება სრული საშუალება და უფლებადადოს ხელშეკრულება და განახორციელოს მასში განსაზღვრული ვალდებულებები;
- II. თუ „კლიენტი“ წარმოადგენს კომპანიას ან სხვა რომელიმე კორპორაციულ ორგანოს, მას გააჩნია ხელშეკრულების ხელმოწერასთან, მიწოდებასა და განხორციელებასთან დაკავშირებული ყველა

საჭირო ბრძანებულებები, რომლებიც მოქმედებს და აგრძელებს მოქმედებას ხელშეკრულებაში აღნიშნულ დღეს და მისი მოქმედების პერიოდში ცვლილებების და გაუქმების გარეშე;

- III. ამ „ხელშეკრულების“ დადებით ან/და ამ „ხელშეკრულებით“ განსაზღვრული ნებისმიერი „დავალების“ მიცემით ან/და ამ „ხელშეკრულებით“ განსაზღვრული ნებისმიერი მომსახურების მიღების შედეგად, ის არ არღვევს რაიმე ფორმით და არ ხდება რაიმე ფორმით დარღვევა რომელიმე იურისდიქციის კანონმდებლობის, რეგულაციის, მოთხოვნის ან/და წესის;
- IV. მის მიერ სრულად დაცულია და მისი ნებისმიერი ქმედება/გადაწყვეტილება სრულ შესაბამისობაშია ნებისმიერი იურისდიქციის კანონმდებლობის, რეგულაციის, ან/და წესის ნებისმიერი და ყველა მოთხოვნასთან ამ „ხელშეკრულებასთან“ (მათ შორის, შეუზღუდავად ამ „ხელშეკრულების“ დადებასთან ან/და ამ „ხელშეკრულებით“ განსაზღვრული ნებისმიერი „დავალებასთან“ ან/და ამ „ხელშეკრულებით“ განსაზღვრული ნებისმიერი მომსახურების მიღებასთან) მიმართებით;
- V. „კლიენტმა“ მიიღო ყველა სახის კონსულტაცია („კომპანიის“ გარდა სხვა პირების კონსულტაციების ჩათვლით), რომელიც ჩათვალა საჭიროდ ან/და მისი დადებით, მანამ სანამ ხელს მოაწერდა წინამდებარე ხელშეკრულებას;
- VI. მას გააჩნია საინვესტიციო ოპერაციებში მონაწილეობის გამოცდილება საკუთარი ან/და სხვა პირის ინტერესებისათვის, პირდაპირ თუ სხვა პირის „კომპანიის“ საშუალებით სხვა პირთან, რომელიც ახორციელებს ფინანსურმომსახურებას პირის ქონებასთან დაკავშირებული დიდი და მნიშვნელოვანი ოპერაციების ჩათვლით, რომელთა ხასიათი და მათთან დაკავშირებული რისკები გააზრებული აქვს;
- VII. ამ ხელშეკრულების ყველა პუნქტი, მუხლი და პირობა შეესაბამება მის ნებას და არის სამართლიანი, გონივრული, ობიექტური და რაციონალური.

10.3. „კომპანია“ აცხადებს და იძლევა გარანტიას, რომ იგი შექმნილია და ფუნქციონირებს მისი იურისდიქციის კანონმდებლობის დაცვით, აქვს სამართლებრივი უფლებამოსილება ხელი მოაწეროს ზემოაღნიშნულ ხელშეკრულებას და განახორციელოს მასში განსაზღვრული ვალდებულებები. ასევე აცხადებს, რომ მან განახორციელა ყველა საჭირო ქმედება (სათანადო თანხმობების, სამთავრობო მარეგულირებელ ან, სხვა ორგანოებში დაარეგისტრირების ჩათვლით), დაკავშირებული ხელშეკრულების გაფორმებასთან, მიწოდებასა და აღსრულებასთან.

10.4. „კლიენტი“ აღიარებს, რომ ფასიანი ქაღალდები და ფულადი სახსრები, რომლებსაც მართავს „კომპანია“ წინამდებარე ხელშეკრულებით განხილული იქნება, როგორც კლიენტის ფასიანი ქაღალდები და ფულადი სახსრები და „კომპანია“ არ არის პასუხისმგებელი „კლიენტის“ კლიენტებთან (ასეთების არსებობის შემთხვევაში) მიუხედავად მათი არსებობის ან ფასიანი ქაღალდებსა და სახსრებთან დაკავშირებით მათი ინტერესების შესახებ ინფორმაციის ქონა-არქონისა.

10.5. „კლიენტი“ აღიარებს, რომ ამ ხელშეკრულებით „კომპანია“ არ მოქმედებს, როგორც „კლიენტის“ ინვესტიციების მენეჯერი ან საინვესტიციო მრჩეველი, და რომ „კომპანიის“ მოვალეობა არის მხოლოდ იმ დავალებების შესრულება, რომლებიც განსაზღვრულია ხელშეკრულებით. „კომპანიის“ მიერ „კლიენტისათვის“ ამ ხელშეკრულებასთან დაკავშირებული ან სხვა სახის ინფორმაციის მიწოდება ჩაითვლება მხოლოდ საინფორმაციო მიზნებისათვის განხორციელებულ ქმედებად და არა, როგორც შეთავაზების, რეკომენდაციის ან ფასიანი ქაღალდების ყიდვა - გაყიდვის წინადადებად.

10.6. „კომპანია“ არ არის ვალდებული გასცეს გარანტია ნებისმიერი ფასიანი ქაღალდის ყიდვა-გაყიდვის შესახებ და საბაზრო პირობების გამო მან შესაძლოა ვერ განხორციელოს სავაჭრო დავალება. შესაბამისად, „კომპანია“ არ არის პასუხისმგებელი დავალების ვერ შესრულებაზე გარდა იმ შემთხვევებისა, თუ დადგინდება, რომ ასეთი ვერ შესრულება დადგა კომპანიის განზრახ ქმედების გამო.

10.7. ამ ხელშეკრულების ფარგლებში კლიენტის მიერ გაცემული განცხადებების ან/და გარანტიების ზოგადი ბუნების და გამოყენების შეუზღუდავად, კლიენტის ამ მუხლში ან/და ამ ხელშეკრულების

ნებისმიერ სხვა მუხლში გაცემული თითოეული განცხადება ან/და გარანტია იქნება გამეორებული ყოველ დღეს და კლიენტის თითოეულ ინდივიდუალურ ტრანსაქციასთან, „დავალებასთან“ ან/და სხვა კომუნიკაციასთან მიმართებით სანამ წინამდებარე ხელშეკრულება არის ძალაში.

10.8. ეს მე-10 მუხლი და ამ “ხელშეკრულების” ფარგლებში “კლიენტის” მიერ გაცემული განცხადებები და გარანტიები მოქმედებას აგრძელებს განურჩევლად ამ ხელშეკრულების ნებისმიერი შეწყვეტისა ან ვადის გასვლისა.

11. ანგარიშის ამონაწერი :

11.1. “კომპანია” თანახმაა, გადაუგზავნოს “კლიენტს” (კლიენტებს) აქტიური ანგარიშის (ანგარიშების) თვიური ამონაწერები ყოველი თვის დასრულებიდან არა უმეტეს ათი (10) კალენდარული დღის ვადაში. ისინი, ვისაც აქვთ არააქტიური ანგარიში (ანგარიშები) ამონაწერებს მიიღებენ კვარტალში ერთხელ ყოველი კვარტალის დასრულებიდან არა უმეტეს ათი (10) კალენდარული დღის ვადაში და იმ შემთხვევაში თუ “კომპანიას” არ აქვს შეჩერებული ანგარიში

11.2 მუხლის მიხედვით. აღნიშნული ამონაწერები “კლიენტს” მიეწოდება “კომპანიის” მიერ მის ელექტრონული ფოსტის მისამართზე, როგორც აღნიშნულია ხელშეკრულების მუხლში 18.1. ამონაწერი უნდა შეიცავდეს ანგარიშის ბალანსს იმ კალენდარული თვის უკანასკნელი სამუშაო დღის ბოლოსათვის. ანგარიშზე ფასიანი ქაღალდების არსებობის შემთხვევაში, “კომპანია” გამოითვლის მათ ღირებულებას შეფასების მეთოდის მიხედვით.

11.3. “კლიენტს” უფლება აქვს მოსთხოვოს “კომპანიას”, მიაწოდოს დამატებითი ამონაწერები შესაბამისი გასამრჯელოს პირობით, როგორც ეს განსაზღვრულია დანართ 1-ში მოცემულ ტარიფებში.

11.4. “კლიენტი” ვალდებულია შეატყობინოს “კომპანიას” ამონაწერებში ან/და სხვა შეტყობინებებში, გარდა გარიგების დადასტურებებისა, ნებისმიერი შეცდომის ან განსხვავების შესახებ “კომპანიისაგან” ამონაწერის ან/და სხვა შეტყობინების, გარდა გარიგების დადასტურებებისა, მიღებიდან ხუთი (5) სამუშაო დღის ვადაში. ასეთი შეტყობინების არმიღების შემთხვევაში, მხარეების მიერ ამონაწერი, ან/და სხვა შეტყობინება, გარდა გარიგების დადასტურებებისა, ჩაითვლება სწორად. თუ “კომპანია” არ მიიღებს შეტყობინებას “კლიენტისაგან” შეცდომის ან განსხვავების შესახებ, როგორც ეს აღნიშნულია ზემოთ, “კლიენტი” კარგავს ამონაწერში, ან/და სხვა შეტყობინებაში, გარდა გარიგების დადასტურებებისა, შეცდომის შესახებ შემდგომში განცხადების უფლებას.

12. დაბეგვრა:

12.1. “კლიენტი” პასუხისმგებელია სახელმწიფო თუ სხვა სახის შესაბამის ორგანოებში საგადასახადო დოკუმენტაციის, საგადასახადო დეკლარაციის და საგადასახადო ანგარიშების მომზადებასა წარდგენაზე ნებისმიერ სათანადო ორგანოში ამ ხელშეკრულებით გათვალისწინებულ ოპერაციებთან დაკავშირებით. ასევე, პასუხისმგებელია ყველა გადაუხდელ გადასახდელზე, გადასახადებზე (დღგ-ს ჩათვლით), ბაჟზე, მისაკრებლობებზე და გადასახდელზე, რომელიც დაერიცხება ძირითად თანხას ან პროცენტებს, ან ნებისმიერ სხვა ვალდებულებაზე ან გადასახდელზე, რომლებიც წარმოიშვება ფასიან ქაღალდებთან დაკავშირებით (“ვალდებულებები”) იმ პირობით, რომ “კომპანია” და მხოლოდ “კომპანია” პასუხისმგებელი გასამრჯელოებზე არსებულ ნებისმიერ გადასახადსა თუ სხვა სახის ვალდებულებაზე.

12.2. თუ კანონმდებლობით გათვალისწინებულია ვალდებულების გადახდა ოპერაციებში მონაწილე მხარეებისათვის გამოქვითვის გზით, “კომპანია” ახორციელებს გადახდას გამოქვითვის გზით “კლიენტის” ხარჯზე იმ პირობით, რომ “კომპანია” გამოიყენებს ყველა მის ხელთ არსებულ საშუალებას აცნობოს “კლიენტს” ამის შესახებ აღნიშნულ გადახდამდე. თუ ამჟამად მოქმედი ან შემდგომ მიღებული კანონმდებლობა ავალდებულებს “კომპანიას” დაფაროს რაიმე ვალდებულება საკუთარი ან “კლიენტის” სახელით, “კლიენტი” ვალდებულია დაუყოვნებლივ აუნაზღაუროს “კომპანიას” ასეთ ვალდებულების თანხა.

12.3. “კომპანიას” შეუძლია აწარმოოს ვალდებულების დაქვითვა, როგორც ამას განსაზღვრავს კანონმდებლობა ფასიან ქაღალდებთან დაკავშირებული გადასახდელების, ჩარიცხული ან დარიცხული თანხების განაწილებასთან ან ანგარიშთან მიმართებით.

12.4. თუ “კლიენტი” არ მიაწვდის “კომპანიას” საქართველოს გადასახადის გადამხდელის საიდენტიფიკაციო ნომერს და რეგისტრაციის სერტიფიკატს, “კომპანია”, საქართველოს კანონმდებლობის თანახმად, ვალდებულია დაუკავოს “კლიენტს” გადასახადი კაპიტალურ მოგებაზე და სხვა სათანადო გადასახადები ოპერაციის შესრულებისთანავე.

12.5. ზემოაღნიშნული ვალდებულებები გაგრძელდება წინამდებარე ხელშეკრულების შეწყვეტის ან ვადის გასვლის შემთხვევაშიც.

13. კონფიდენციალურობა:

13.1. წინამდებარე ხელშეკრულებაში მონაწილე მხარეების შესახებ ყველა ინფორმაცია, ხელშეკრულება და მისი შინაარსი კონფიდენციალურია და არ ექვემდებარება გამჟღავნებას რომელიმე მხარის მიერ, გარდა იმ შემთხვევისა, თუ სხვაგვარი რეგულაცია არის დაწესებული “განაცხადით” ან/და ამ ხელშეკრულებით, ან/ და სასამართლოს (მსგავსი ფორუმის), საზედაძხედველო ორგანოს ან/და კანონმდებლობის მოთხოვნით. ზემოაღნიშნული ვალდებულებები გაგრძელდება წინამდებარე ხელშეკრულების შეწყვეტის ან ვადის გასვლის შემთხვევაში.

14. უფლებების და მოვალეობების გადაცემა:

14.1. “კომპანიას” უფლება აქვს საკუთარი უფლებები და მოვალეობანი მთლიანად ან ნაწილობრივ გადასცეს თავის „ფილირებულ პირს“ და გადაცემული უფლება-მოვალეობების განხორციელება მის მიერ ჩაითვლება სათანადო მხარის მიერ განხორციელებულ ქმედებად. “კლიენტს” უფლება აქვს საკუთარი უფლებები და მოვალეობანი მთლიანად ან ნაწილობრივ გადასცეს თავის „ფილირებულ პირს“ ან ნებისმიერ სხვა პირს მხოლოდ “კომპანიის” წინარე წერილობითი თანხმობის მოპოვების შემთხვევაში და შემდგომ. წინამდებარე ხელშეკრულება სავალდებულოა მხარეებისათვის, მათი სამართალმემკვიდრეებისა და იმ პირებისთვის, ვისაც ამ “ხელშეკრულების” შესაბამისად გადაეცა უფლებები/ვალდებულებები. ამასთან, “მხარეები” თანხმდებიან რომ მათი უფლება-მოვალეობების გადაცემა ნებისმიერი პირისთვის საქართველოს კანონმდებლობით განსაზღვრულ შემთხვევებში ჩაითვლება დასაშვებ და ჯეროვან გადაცემად ამ “ხელშეკრულების” მიზნებისთვის.

15. ხელშეკრულების წესები და პირობები:

15.1. წინამდებარე ხელშეკრულება შეხაძლოა შეწყვეტოს ნებისმიერმა მხარემ მეორე მხარისათვის ათი (10) კალენდარული დღით ადრე წერილობითი შეტყობინების გაგზავნის გზით. ხელშეკრულების ზემოაღნიშნული სახით შეწყვეტა არ აუქმებს მანამდე დამდგარ ვალდებულებებს, ფასიანი ქაღალდების ყიდვა-გაყიდვას ან სანახარების გადარიცხვას, რომლებიც კომპანიას დაწყებული ჰქონდა ვადამდელ შეწყვეტამდე და რომლებიც არ დასრულდა შეწყვეტის ვადის დადგომამდე.

15.2. თუ “კლიენტის” ანგარიში არააქტიურია და მასზე არის ნულოვანი “ანგარიშის ნაშთი” ერთი ან მეტი წლის განმავლობაში, კომპანიას უფლება აქვს დახუროს ანგარიში შეტყობინების გარეშე. ანგარიშის დახურვა, ასევე, შესაძლებელია “კლიენტის” მოთხოვნით 15.1. მუხლის გათვალისწინებით.

15.3. ამ ხელშეკრულების შეწყვეტიდან ოცი (20) სამუშაო დღის ვადაში, “კომპანია” ვალდებულია გადაურიცხოს “კლიენტს” კუთვნილი თანხები “კლიენტის” “განაცხადში” მითითებულ ან ამ ხელშეკრულების შესაბამისად “კლიენტის” მიერ განსაზღვრულ “კლიენტის” სხვა საბანკო ანგარიშზე და მიაწოდოს “კლიენტს” ბოლო ამონაწერი. თუ ხელშეკრულების ვადის გასვლის ან ადრეული შეწყვეტის შემთხვევაში, ანგარიშზე არსებობს ფასიანი ქაღალდები, ისინი “კლიენტის” დავალებების საფუძველზე შესაძლოა გადატანილ იქნას მესამე პირთან არსებულ “კლიენტის” საკუთარ ანგარიშზე, რომელიც იმოქმედებს, როგორც “კლიენტის” ახალი კასტოდიანი ან ნომინალური მფლობელი. თუ “კლიენტი” არ იძლევა მითითებებს აღნიშნულ მესამე პირთან საკუთარ ანგარიშზე ფასიანი ქაღალდების გადატანის შესახებ, “კომპანია”, საკუთარი გადაწყვეტილებით, აფასებს ფასიან ქაღალდებს

სამართლიანი ღირებულების მიხედვით და ყიდულობს მათ “კლიენტისაგან” ან ყიდის და გადაურიცხავს “კლიენტს” მის კუთვნილ თანხებს.

15.4. “კომპანია” უფლებამოსილია “კლიენტისათვის” სახსრების გადარიცხვამდე დაქვითოს “კომპანიის” კუთვნილი ყველა გასამრჯელო.

15.5. “ანგარიშის ნაშთი” იმისათვის, რომ დაიფაროს საანგარიშო გადასახდელები, “კომპანიას” უფლება აქვს მოახდინოს ხელშეკრულების ავტომატური შეჩერება შეტყობინების გარეშე იმ დრომდე, სანამ ანგარიშზე არ გაჩნდება საკმარისი თანხა გადასახდელის დასაფარად. ხელშეკრულების პირობები ხელახლა შევა ძალაში, როცა მოხდება ანგარიშის ხელმეორედ გააქტიურება. ანგარიშის ხელმეორედ გააქტიურება უსასყიდლოა.

15.6. წინამდებარე “ხელშეკრულება” ძალაში შედის “განაცხადის” ხელმოწერისთანავე და მოქმედებს მის შეწყვეტამდე ამ “ხელშეკრულების” პირობების თანახმად.

16. ფორსმაჟორი:

16.1. “კომპანია” თავისუფლდება პასუხიმგებლობისაგან ნებისმიერი ზარალის, ხარჯის ან ზიანის გამო, რომელიც მიადგება “კლიენტს” ან ვალდებულებების შეუსრულებლობის გამო თუ ასეთი გამოწვეული იყო მისი კონტროლის გარეთ არსებული მიზეზებით ნაციონალიზაციის, ექსპროპრიაციის, სავალუტო, საბანკო ფასიანი ქაღალდების სფეროსთან დაკავშირებული შეზღუდვების, ომის, ტერორისტული აქტების, აჯანყების, რევოლუციის, სამოქალაქო არეულობის, გაფიცვის, სტიქიური უბედურების, სამთავრობო ორგანოების, სააგენტოების, ხელისუფლების ქმედებების ჩათვლით (მიუხედავად იმისა, მოქმედებდა თუ არა სახელისუფლებო ორგანო, სააგენტო და ხელისუფლება მისი უფლებამოსილების ფარგლებში), ასევე ემიტენტის, რეგისტრატორების და საფონდო ბირჟის ქმედებების ჩათვლით. ამ მე-16 მუხლის მოქმედება გრძელდება განურჩევლად ამ ხელშეკრულების ნებისმიერი შეწყვეტისა ან ვადის გასვლისა.

17. საერთო დებულებები:

17.1. „ხელშეკრულების“ ცვლილებები და დამატებები:

17.1.1. წინამდებარე ხელშეკრულებით ან/და კანონმდებლობით განსაზღვრული „კომპანიის“ ნებისმიერი უფლების შეუზღუდავად და ზიანის მიყენების გარეშე, “კომპანიას” აქვს უფლება ნებისმიერ დროს „ვებ-გვერდზე“ შესაბამისი ინფორმაციის განთავსების/გამოქვეყნების გზით ან/და „კომპანიისთვის“ მისაღები სხვა ფორმით, თუ კანონმდებლობით სხვა რამ არ არის განსაზღვრული, შეცვალოს/დაამატოს ამ „ხელშეკრულების“ ნებისმიერი პირობები (დანართების ჩათვლით) კლიენტის დამატებითი თანხმობისა ან/და აქცეპტის გარეშე. ამასთან, აღნიშნული ცვლილებები/ დამატებები შესაძლებელია შეეხოს რეგორც პირთა გარკვეულ ჯგუფს, ისე კონკრეტულ პირს. ამგვარი ცვლილება/დამატება სავალდებულოა „კლიენტისთვის“ და ძალაში შედის შემდეგი წესის მიხედვით:

i. იმ შემთხვევაში, „ხელშეკრულების“ ცვლილება/დამატება ხორციელდება „კლიენტის“ სასარგებლოდ, ან/და არ აუარესებს „კლიენტის“ მდგომარეობას, ან/და ცვლილება/დამატება ეხება ახალ მომსახურებას, რომელიც არ ანაცვლებს ან/და არ ცვლის „ხელშეკრულებით“ გათვალისწინებულ მომსახურებას, ასეთი ცვლილება/დამატება ძალაში შედის მისი „ვებ-გვერდზე“ განთავსების/ გამოქვეყნების დღის მომდევნო „სამუშაო დღეს“, ხოლო იმ შემთხვევაში, თუ ასეთი ცვლილების/დამატების შესახებ „კლიენტის“ ინფორმირება მოხდა სხვა ფორმით (არა „ვებ-გვერდზე“ ინფორმაციის განთავსების/გამოქვეყნების გზით) - ასეთი ინფორმირების განხორციელების დღის მომდევნო „სამუშაო დღეს“.

ii. იმ შემთხვევაში, „ხელშეკრულების“ ცვლილება/დამატება აუარესებს „კლიენტის“ მდგომარეობას და არ ეხება ახალ მომსახურებას, რომელიც არ ანაცვლებს ან/და არ ცვლის „ხელშეკრულებით“ გათვალისწინებულ მომსახურებას, ასეთი ცვლილება/დამატება ძალაში შედის მისი „ვებ-გვერდზე“ განთავსების/გამოქვეყნების დღიდან 30-ე (ოცდამეათე) კალენდარულ დღეს, ხოლო იმ შემთხვევაში, თუ ასეთი ცვლილების/დამატების შესახებ „კლიენტის“ ინფორმირება მოხდა სხვა ფორმით (არა „ვებ-გვერდზე“ ინფორმაციის განთავსების/გამოქვეყნების გზით) - ასეთი

ინფორმირების განხორციელების დღიდან 30-ე (ოცდამეათე) კალენდარულ დღეს. თუ „ხელშეკრულების“ ამ ქვეპუნქტით (17.1.2) გათვალისწინებული ცვლილების/დამატების ძალაში შესვლის დღე არ წარმოადგენს „სამუშაო დღეს“, ასეთი ცვლილება/დამატება ძალაში შევა ხსენებული დღის მომდევნო „სამუშაო დღეს“.

„ხელშეკრულებაში“ შეტანილი ნებისმიერი ცვლილება ან/და დამატება წარმოადგენს „ხელშეკრულების“ დანართს და მის განუყოფელ ნაწილს.

17.1.2. იმ შემთხვევაში თუ კანონმდებლობით გათვალისწინებულია ამ „ხელშეკრულების“ ცვლილების/დამატების ძალაში შესვლამდე წინასწარ შეტყობინების ვადა, ნებისმიერი ასეთი ცვლილება/დამატება ჩაითვლება „კლიენტთან“ შეთანხმებულად, თუ „კლიენტი“ ცვლილების/დამატების ძალაში შესვლამდე არ შეატყობინებს „კომპანიას“ რომ არ ეთანხმება ცვლილებას/დამატებას.

17.1.3. ყოველგვარი ეჭვის გამოსარიცხად, ამ „ხელშეკრულების“ 17.1.1 მუხლში ნახსენები „ვებ-გვერდზე“ ინფორმაციის განთავსება/გამოქვეყნება მოიცავს ნებისმიერ ფორმით, სახით, საშუალებით ან ფორმატით (მათ შორის შეუზღუდავად, ვებ-გვერდზე არსებულ „ხელშეკრულების“ ტექსტის ცვლილებას/დამატებას/ჩანაცვლებას/ ჩასწორებას) ინფორმაციის გავრცელებას, განთავსებას, გამოქვეყნებას ან/და მისი სხვა ფორმით ხელმისაწვდომად გახდომას.

17.2. თუ ამ ხელშეკრულების რომელიმე დებულება გახდება ან ჩაითვლება არაკანონიერად, ძალადაკარგულად ან განუხორციელებლად ნებისმიერ დროს, მხარეების იურისდიქციის კანონმდებლობით, ზემოაღნიშნული გავლენას არ იქონიებს ხელშეკრულების დანარჩენი დებულებების კანონიერებაზე, მოქმედებასა და განხორციელებაზე და მოხდება ძალადაკარგულ ან განუხორციელებელ დებულებებში ცვლილებების იმგვარად შეტანა, რომ აღნიშნული ცვლილებების განხორციელებით მიღწეული შედეგი მაქსიმალურად დაუახლოვდეს მხარეების მიერ განზრახულ ეკონომიკურ შედეგს.

17.3. წინამდებარე ხელშეკრულება ძალა დგას მხარეებს შორის ყველა ამ დრომდე არსებულ ზეპირი თუ წერილობითი სახის ხელშეკრულებაზე და მოლაპარაკებაზე.

17.4. მხარეები თანხმდებიან, რომ ყოველი მათგანი უფლებამოსილია ავტომატურად აწარმოოს მხარეების წარმომადგენლების სატელეფონო საუბრების ჩაწერა, რომელიც დაკავშირებულია ოპერაციების პირობების შესახებ მოლაპარაკებებთან და კონკრეტული დავალებების შესრულების მიცემასთან. ასევე, მხარეები არიან უფლებამოსილნი გამოიყენონ ეს ჩანაწერები, როგორც მათი ქმედების დამასაბუთებელი საფუძველი ოპერაციის განხორციელების და დავალებების მიღების დასაბუთების მიზნით. „კლიენტი“ თანახმაა განხორციელდეს მსგავსი ჩანაწერები მისი და „კომპანიის“ უფლებამოსილ პირებს შორის, თუ ასეთი საუბარი ეხება ოპერაციას და „კლიენტისათვის“ მომსახურების გაწევს პირობებსა და პროცედურებს.

17.5. „კლიენტი“ თანახმაა, რომ მხარეებს შორის ოპერაციის შესრულებასა და მნიშვნელოვან საკითხებზე შეთანხმების დროს სადავო საკითხების წარმოშობის შემთხვევაში, როცა არსებობს „კლიენტის“ მიერ „კომპანიისათვის“ ზეპირი დავალებები, ასეთი სატელეფონო საუბრის ჩანაწერის გამოყენება იქნება სადავო საკითხზე მხარეთა სადავო პოზიციების საკმარისი და გონივრული მტკიცებულება. ზემოაღნიშნულიდან გამომდინარე, მხარეები თანხმდებიან, რომ არც-ერთი მათგანი არ არის წინააღმდეგი და არ შეუშლის ხელს ასეთი ჩანაწერების გამოყენებას საარბიტრაჟო სასამართლოს მიერ სადავო საკითხების გადაწყვეტის პროცესში და რომ დავების დარეგულირების დროს ასეთი ჩანაწერები გამოყენებული იქნება, როგორც მათი პოზიციების ობიექტური მტკიცებულება. მხარეთა მოთხოვნის საფუძველზე, შესაძლოა გაკეთდეს ჩანაწერის ნამდვილობის ექსპერტიზა.

18. შეტყობინებები:

18.1. მხარეები აცხადებენ, რომ ამ ხელშეკრულების გაფორმების მომენტისათვის წინამდებარე მუხლში მოყვანილი ინფორმაცია და წინამდებარე ხელშეკრულების ნებისმიერი დანართი შეესაბამება სიმართლეს. მხარეები აცხადებენ მზადყოფნას, დაუყოვნებლივ, წერილობით ფორმით შეატყობინონ

ერთმანეთს ამ ინფორმაციაში რაიმე ცვლილების შემთხვევაში. ყველა შეტყობინება, ანგარიში, ამონაწერები, დავალებები და სხვა, ამ ხელშეკრულებით განსაზღვრული, დოკუმენტები ჩაითვლება სათანადო ფორმით წარმოდგენილად, თუ ისინი შედგენილია წერილობითი ფორმით და გაგზავნილია ელ-ფოსტით, ან მიტანილია ხელით მხარეების ქვემოთ მითითებულ მისამართებზე:

„კომპანიისთვის“:

მისამართი: საქართველო, ბათუმი, ლეხ და მარია კაჩინსკების ქ.№3 „ა“;

ელ-ფოსტა: info@abbey.ge

ტელეფონი: +995 422 239 000 (4ABBEY000)

„კლიენტისთვის“:

“განაცხადში” მითითებულ მისამართებზე ყოველგვარი ეჭვის, გამოსარიცხად, “განაცხადში” მითითებულ “კლიენტის” ფაქტობრივ მისამართზე ან/და ელ-ფოსტაზე ნებისმიერი კომუნიკაციის/დოკუმენტაციის გაგზავნა/მიღება ჩაითვლება - ჯეროვან და მართებულ გაგზავნად/მიღებად ამ ხელშეკრულების მიზნებისთვის.

18.2. ყოველგვარი ეჭვის გამოსარიცხად, “კლიენტი” ცალსახად ადასტურებს და აცხადებს, რომ “განაცხადში” ან/და ამ ხელშეკრულებაში მითითებული ყველა ინფორმაცია და მისამართი არის სრული, მართებული, ზუსტი და ნამდვილი და მოქმედი დროს კონკრეტული თარიღისთვის. “კლიენტი” იღებს ვალდებულებას, რომ ჯეროვნად და დროულად მრანდინოს ამ ხელშეკრულების პირობების შესაბამისად “კომპანიის” ინფორმირება ნებისმიერი ცვლილების შესახებ.

18.3. განურჩევლად და მიუხედავად ამ ხელშეკრულების 18.1 მუხლისა, ყველა მითითება, ანგარიში, ანგარიშგება, შეტყობინება ან/და ნებისმიერი სხვა დოკუმენტაცია/ კომუნიკაცია, გარდა “დავალებ(ებ)ისა”, ჩაითვლება როგორც მართებული და ჯეროვანი, იმ შემთხვევაში, თუ ის წარმოდგენილია წერილობით (მათ შორის ელ-ფოსტის მეშვეობით) და არის გაგზავნილი ან მიღებული “კლიენტის დემზორდის ანგარიშიდან” ან “ინტერნეტ ბანკიდან” (“ხელშეკრულების 4¹ მუხლის პირობების შესაბამისად და გათვალისწინებით) ან “მხარის” მიერ ამ ხელშეკრულების 18.4 მუხლში მითითებული ერთ-ერთი მისამართიდან მიუხედავად აღნიშნულისა, “დავლება” ჩაითვლება მართებულად და ჯეროვანად მხოლოდ იმ შემთხვევაში, თუ კუმულატიურად დაკმაყოფილებულია შემდეგი პირობები:

- “დავლება” არის წერილობითი (მათ შორის ელ-ფოსტის მეშვეობით); და
- არის მიღებული “კლიენტის დემზორდის ანგარიშიდან” ან “ინტერნეტ ბანკიდან” (“ხელშეკრულების 4¹ მუხლის პირობების შესაბამისად და გათვალისწინებით) ან “კლიენტის” მიერ ამ ხელშეკრულების 18.1 მუხლში მითითებული ერთ-ერთი მისამართიდან; და
- “კომპანია” თავის პირად, სრულ და ულიმიტო დისკრეციის ფარგლებში დათანხმდა ამ “დავლების” შესრულებას და მის შესაბამისად მოქმედებას. ყოველგვარი ეჭვის გამოსარიცხად, ხელშეკრულების ამ 18.3 მუხლს ენიჭება უპირატესობა ხელშეკრულების 18.1 მუხლთან მიმართებით.

19. მოქმედი კანონი და დავების მოგვარება:

19.1. წინამდებარე ხელშეკრულება, მისგან წარმოშობილი ურთიერთობები და მასთან დაკავშირებული დავები რეგულირდება საქართველოს კანონმდებლობის შესაბამისად. ამ ხელშეკრულებასთან დაკავშირებული ნებისმიერი სამართლებრივ ქმედება ან სამართალწარმოება განხილული იქნება საქართველოს სასამართლოს მიერ. მხარეები უპირობოდ აღიარებენ ზემოაღნიშნული სასამართლოს ექსკლუზიურ იურისდიქციას და ადასტურებენ, რომ არ მიმართავენ ნებისმიერ სხვა სასამართლოს საჩივრით ან აპელაციით.

20. OTC (არასაბირჟო ბაზარი)

20.1. OTC-დან (არასაბირჟო ბაზრიდან) შესასრულებელ ოპერაციებთან დაკავშირებით, შპს "აბზი ასეტ მენეჯმენტი" მზადაა და უფლება აქვს ოპერაციების განხორციელებისთვის დაადგინოს ფასები, შპს "აბზი ასეტ მენეჯმენტის" ხელშეკრულების ფარგლებში, იმ პირობით, რომ ყველა უფლება დაცული იქნება, კლიენტი უფლებამოსილია გადაწყვიტოს ხელშეკრულებაზე ხელმოწერის საკითხი.

20.2. კლიენტს სპეციალურად ეცნობა, რომ შპს "აბზი ასეტ მენეჯმენტი" შეიძლება მოქმედებდეს როგორც ბაზრის მარეგულირებელი სავალუტო, OTC წილებისა და სავალუტო ოფციონების და სხვა ბაზრებზე.

20.3. კლიენტს ეცნობა, რომ შესაძლოა მნიშვნელოვანი ნაგულისხმევი ხარჯები წარმოიშვას შპს "აბზი ასეტ მენეჯმენტის" გადაწყვეტილებების შედეგად, როგორც ბაზრის მარეგულირებლის, განსაკუთრებით სავალუტო ბაზრის რეგულირების, OTC წილებისა და სავალუტო ოფციონების და სხვა OTC პროდუქტების სფეროში.

21. კლიენტის განცხადება:

21.1 კლიენტი აცხადებს, რომ ყურადღებით გაეცნო ხელშეკრულებას, მის დანართებს (დანართი 1: მოსაკრებლებისა და მომსახურების გრაფიკი) და კარგად ესმის ყველა დებულება. იგი ადასტურებს და აცხადებს, რომ გაიგო ყველა დებულება და წესი, რომ არ არის საჭირო ყველა გვერდის ხელმოწერა/ინიციალი, მიუხედავად იმისა, რომ წინა გვერდები არ არის ხელმოწერილი, ყველა გვერდზე მოცემული დებულებები არის ძალაში. გთხოვთ, თქვენი ხელწერით დაწეროთ „წავიკითხე, გავიგე და ვეთანხმები“.

შპს „აბზი ასეტ მენეჯმენტი“

კლიენტი

დანართი 1 1. ნომინალური მფლობელობის მომსახურება	პირობების დანართი მომსახურების სახეობათა ტარიფები		
განმარტება	გადახდის წესი	გასამრჯელო ლარი თუ სხვაგვარად არ არის მითითებული	შენიშვნა
ანგარიშის გახსნა	ყოველი ანგარიშითვის	0	
ანგარიშის დახურვა	ერთეულისთვის	0	
ფასიანი ქაღალდების ფლობა	ყოველთვიური	<p>ა) 0</p> <p>ბ) შეფასების მეთოდით დადგენილი პორტფელის საბაზრო ღირებულების 0.005% (მინიმუმ 1 ლარი)</p> <p>გ) შეფასების მეთოდით დადგენილი პორტფელის საბაზრო ღირებულების 0.005% (მინიმუმ 10 ლარი) ფიქსირებული შემოსავლის მქონე ფასიანი ქაღალდების და 0.015% აქციების შემთხვევაში (მინიმუმ 10 ლარი)</p> <p>დ) შეფასების მეთოდით დადგენილი ფასიანი ქაღალდების პორტფელის საბაზრო ღირებულების 0.007% (მინიმუმ 1 ლარი)</p> <p>ე) ინდივიდუალური, წინასწარი შეთანხმების საფუძველზე.</p>	<p>ა) ადგილობრივი არამატერიალიზებული წილობრივი ფასიანი ქაღალდი (წილი/აქცია, მათ შორის, პრივილეგირებული აქცია).</p> <p>ბ) ადგილობრივი ფიქსირებული შემოსავლის მქონე სასესხო ფასიანი ქაღალდი</p> <p>გ) უცხოური არამატერიალიზებული ფასიანი ქაღალდების შემთხვევაში, გარდა Bank of Georgia Group PLC, Georgia Capital PLC და Gerogia Healthcare Group PLC--ის აქციებისა</p> <p>დ) Bank of Georgia PLC, Georgia Capital PLC, Georgia Healthcare Group PLC-ის აქციების შემთხვევაში.</p> <p>ე) იმ ბაზრებისთვის / ფინანსური ინსტრუმენტებისთვის სადაც შპს აბი ასეტ მენეჯმენტის ხარჯები აღემატება ა), ბ), გ) და დ) პუნქტებში მოცემულ საკომისიოებს.</p>
ქართული ფასიანი ქაღალდების მიღება	ყოველი ოპერაციისათვის	0	+ რეგისტრატორის, დეპოზიტარისა და სხვა ხარჯები

(კლიენტის ანგარიშზე ჩარიცხვა)			
ქართული ფასიანი ქაღალდების მიწოდება (კლიენტის ანგარიშიდან ჩამოწერა)	ყოველი ოპერაციისათვის	0	+ რეგისტრატორის, დეპოზიტარისა და სხვა ხარჯები
- კომპანიის ნომინალური მფლობელის სისტემის შიგნით	ყოველი ოპერაციისათვის	0	+ ყველა გაწეული ხარჯი
- კომპანიის ნომინალური მფლობელის სისტემის გარეთ	ყოველი ოპერაციისათვის	0	+ რეგისტრატორის, დეპოზიტარისა და სხვა ხარჯები
უცხოური ფასიანი ქაღალდების მიღება/ მიწოდება (ანგარიშზე ჩარიცხვა/ანგარიშიდან ჩამოწერა)	ყოველი ოპერაციისათვის	50	წვრილი (მინორიტარი) აქციონერის შემთხვევაში, უცხოური ფასიანი ქაღალდების მიღება / მიწოდების საკომისო შესაძლებელია შეთანხმდეს მხარეებს შორის და დაფიქსირდეს დავალების ბილეთში.
“Stamp Tax” _ დიდი ბრიტანეთის მოსაკრებელი ბრიტანული ფასიანი ქაღალდების შექმნაზე	ყოველი ოპერაციისათვის	გარიგების ღირებულების 0.5%	დიდი ბრიტანეთის მიერ დაწესებული გადასახადი ლოკალური ბრიტანული აქციებისთვის, რომელიც შეიძლება შეყვანილ იქნეს საბროკერო საკომისიოში ან განცალკევდეს სავაჭრო დავალების ბილეთში.
ფასიანი ქაღალდების ყველა სახის კონვერტაცია (გადაცვლა)	თითო ფასიან ქაღალდზე	ა) 0.01 ლარი ბ) 0.06 აშშ დოლარი	ა) ფასიანი ქაღალდების კონვერტაციის საკომისიო ბ) გამოიყენება დამატებით („ა“ საკომისიოსთან ერთად) დეპოზიტარული ხელწერილების კონვერტაციის შემთხვევაში. + ოპერაციასთან დაკავშირებული ხარჯები (რეგისტრატორის, დეპოზიტარის, კასტოდიანის და სხვა.)
ფასიანი ქაღალდების დაბლოკვა, დაგირავება, გაჩუქება	ყოველი ოპერაციისათვის	საბაზრო ღირებულების 0.1% (მინ. 20, მაქს. 1000)	კლიენტის მოთხოვნით

2. საბროკერო მომსახურება			
განმარტება	გადახდის წესი	გასამრჯელო ლარი თუ სხვაგვარად არ არის მითითებული	შენიშვნა
საკუთარი რესურსები			
წილის ყიდვა-გაყიდვისთვის კლიენტის მითითების/ინსტრუქციის მიყოლა.	ყოველ გარიგებაზე	% გარიგების მოცულობიდან	გადასახადის ზუსტი ოდენობა მხარეებმა გადაწყვიტეს და განსაზღვრეს მომხმარებლის განაცხადის ფორმაში. მინიმუმ 0.035 აშშ დოლარი ერთ აქციაზე იმ აქციებისთვის რომლებიც ივაჭრება აშშ-ში ან კანადაში.
ფიქსირებული შემოსავლის აქტივები			
საქართველოს სახელმწიფო სახაზინო ვალდებულებები	თითოეულ ჩატარებულ გარიგებაზე	მთლიანი თანხის 0.3%-მდე (მინიმუმ 20)	ზუსტი ტარიფი განისაზღვრა სავაჭრო დავალების ბილეთში და შეთანხმდა მხარეებს შორის გარიგების განხორციელებამდე.
კორპორატიული ობლიგაციები და სხვა სახელმწიფო ფასიანი ქაღალდები	თითოეულ ჩატარებულ გარიგებაზე	მთლიანი თანხის 0.5%-მდე	ზუსტი ტარიფი განისაზღვრება სავაჭრო დავალების ბილეთში და უნდა შეთანხმდეს მხარეებს შორის გარიგების განხორციელებამდე. საპროცენტო გადასახდელები ფასიან ქაღალდებზე იბეგრება საშემოსავლო გადასახადით, როგორც ეს კანონით არის დადგენილი.
სხვა ფასიანი ქაღალდები	თითოეულ ჩატარებულ გარიგებაზე		ზუსტი ტარიფი განისაზღვრება სავაჭრო დავალების ბილეთში და უნდა შეთანხმდეს მხარეებს შორის გარიგების განხორციელებამდე.

3. სხვა მომსახურება კორპორატიული საკითხები			
განმარტება	გადახდის წესი	გასამრჯელო ლარი თუ სხვაგვარად არ არის მითითებული	შენიშვნა
განმარტება კლიენტის მიერ მოთხოვნილი კორპორატიული მოქმედების შესახებ ინფორმაციის მიღება, თარგმნა და გადაცემა (მაგ. AGM, EGM (წლიური გენერალური ასამბლეა, საგანგებო გენერალური ასამბლეის სხდომები)) დღის წესრიგი, ახალი გამოცემების ბიულეტენები, კომპანიის ზოგადი ინფორმაცია / ემიტენტისგან (ბანკი ან ფინანსური ინსტიტუტი, მიღებული ინფორმაციის გავრცელება	ყოველი ემიტენტისათვის	50 ლარი + ყველა გონივრული ხარჯი	კომპანია არ არის პასუხისმგებელი იმ ზარალზე, რომელიც შესაძლოა კლიენტს მიადგეს ემიტენტის მიერ ან თარგმანის გამო კლიენტისათვის არასწორი ინფორმაციის მიწოდებით. სავალდებულო ინფორმაციის მიწოდება ხდება უსასყიდლოდ.
AGM, EGM-ზე (წლიური გენერალური ასამბლეა, საგანგებო გენერალური ასამბლეის სხდომები) დასწრება და კენჭისყრაში			უსასყიდლოა, თუ კომპანია კრებას ესწრება კომპანიის ან კლიენტთა დიდ ჯგუფის ინტერესების დასაცავად + ყველა დაკავშირებული ხარჯი, რომელიც კომპანიას შეუძლია გადაანაწილოს კლიენტებზე პროპორციულად
დივიდენდები			
განმარტება	გადახდის წესი	გასამრჯელო ლარი თუ სხვაგვარად არ არის მითითებული	შენიშვნა
დივიდენდის კლიენტის ანგარიშზე ჩარიცხვა	ყოველ ემიტენტზე	უფასო	+ დაკავშირებული ხარჯები (მათ შორის რეგისტრატორის, კასტოდინის დეპოზიტარის შესაბამისი ხარჯები)

სხვა მომსახურება ნებისმიერი სხვა ფინანსური მომსახურება	თითოეულ ჩატარებულ გარიგებაზე	გადაწყდება	ზუსტი ტარიფი განისაზღვრება სავაჭრო დავალების ბილეთში და უნდა შეთანხმდეს მხარეებს შორის გარიგების განხორციელებამდე.
4. ანგარიშები			
განმარტება წინა დღეს განხორციელებულ ოპერაციებზე ამონაწერის მომზადება და მიწოდება	გადახდის წესი ყოველ ამონაწერზე	გასამრჯელო ლარი თუ სხვაგვარად არ არის მითითებული 0	შენიშვნა მომდევნო დღეს
ყოველთვიური ამონაწერების მომზადება და მიწოდება	ყოველ ამონაწერზე	0	თქვის დასრულებიდან 10 დღის ვადაში
გარდა სავალდებულო ანგარიშების წარდგენისა, კლიენტის მოთხოვნით დამატებითი ამონაწერების და ანგარიშის შესახებ ინფორმაციის მომზადება და მიწოდება	ყოველ ამონაწერზე	10	კლიენტის მოთხოვნიდან 1 სამუშაო დღის ვადაში
* გადასახადებში დღგ არ შედის, დღგ-ს გადახდა შეიძლება საჭირო გახდეს გარიგების ზოგიერთ სახეობაში. შენიშვნა: საკომისიოები უფრო მაღალი შეიძლება იყოს რიგ მომსახურებებზე, სადაც შპს „აბზი ასეტ მენეჯმენტს“ ექნება უფრო მაღალი ხარჯები.			

შპს „აბზი ასეტ მენეჯმენტი“

კლიენტი